

光緒山西通志

關梁考一

考三之一

山西通志第四十四

賜建古山縣丞部侍郎兼都察院右副都御史巡撫山西提督軍務張煦等
旨監修

山川阨要是設關梁以表封疆以達道路天險既呈人力並
濟其大較則邊腹輕重視所鄰水陸衝僻視所達新舊廢置
視所利古今異勢中外異形也晉上近畿臨邊內外三關門
戶並峙東西六盟郡縣無殊界牆隘口不過備巡徼護商旅
視前代之塹山堙谷畫地爲守者誠不足以語無外之規模
也而自秦隴肅清屯戍未能盡撤姦宄時虞竊發蒙古積弱
成風而窮北之荒裔方且狡焉思逞名王保塞果足恃乎近
者七廳疆索兩鎮兵防

朝廷皆允撫臣所請力籌變通於肩背心腹之勢形東壤制

之宜亦慮之審矣爰志始邊外迤及腹裏統以四道參之營制以有分汛設卡者爲先舊邊故戍次之堡寨之屬悉從類附而終以津梁以盡地形所徵兵事塞北爲詳陳前人之方畧審從來之利害爲今幸且示後戒也

歸綏道屬地

邊外七廳

邊外以歸綏二城爲最衝以大青山黃河爲中外界其在歸綏極西而扼山河之首者曰鄂博口古稱陽塞道也在薩拉齊廳西一百五里舊設卡倫今練軍駐之西出口北踰山入烏拉特部界南渡河套入鄂爾多斯部左翼後旗界

方輿紀要稱陽城在廢勝州西南

案當作西北

漢縣屬五原郡

東部都尉治此後漢因之漢志注稱陽北出石門障得光祿城又西北得支就城又西北得頭曼城又西北得庫河

城又西得宿虜城

案諸城並今烏拉特三旗地

稠陽塞在稠陽城北

一作固戰國時魏地史記魏惠王十九年築長城塞固陽

又秦孝公十一年衛鞅圍魏固陽降之漢亦置稠陽塞後

漢永元初竇憲出雞鹿塞鄧鴻出稠陽塞皆會涿邪山後

廢後魏太延初畋於稠陽二年復如稠陽驅野馬於雲中

案稠陽縣在五原郡東當卽今包頭一帶別有稠陽城在五原郡西則都尉所治之城也而石門障實在縣北皆得以稠陽塞當之

塞當之

蒙古游牧記烏拉特部在歸化城西三百六十里

秦九原郡地漢

史名五原後魏置懷朔鎮唐中西受降城地遼置雲牧地內州屬西涼道金因之元屬大同路明爲蒙古所據

當河套北岸

黃河在旗南五十里

噶札爾山之南

陰山在中受降城東北自陰山而北皆大磧按自烏拉特之西北迤邐而東以至歸化城東北雖土名不一實皆古

陰山也案出郭博口北有漠惠坡在旗東南六十里西有黑河蒙古名喀喇木倫出旗北二百里西南流入黃河

當卽古稱陽之石門障鄂爾多斯部在歸化城西二百八

十里河套內東西北三面距黃河七札薩克分牧而處東

北爲左翼後旗本漢沙南縣地隋札薩克固山貝子游牧

地東至黃河冒帶津化百五十里接歸北至黑水泊二十里

特東北至臺碩額勒蘇八十五里接歸化城土默特界一

屈南流處與遼金之東統志隋唐勝州在套東北瀕黃河

勝州相近但隔河耳

歸綏識略土默特界內大青山前卡倫十一處乾隆十

九年設每月輪派土默特官各一員兵五名巡防每年

十一月間綏遠城將軍委派滿營官稽察察漢鄂博卡

倫案俗作廣汗瑞包其西出之距歸化城三百四十里

原案云卡字後人所造古書未之有也字彙補音雜解

云楚屬關隘地方設兵立塘謂之守卡今讀如克雅切

大抵取不上不下之義合而成文卡倫之稱近世設關

稅嚴稽察者多用之紀氏閱微草堂筆記曾兩見一自

注曰戍守瞭望之地一曰軍營瞭望之名俱在烏魯木齊等處與此間所設正同薩拉齊廳西

至泊頭鎮俗作包頭一百里迤西迤北卽外藩烏拉特東西

中三公旗地面周圍一千五六百里其西南黃河南

廳治及包頭鎮南皆外藩鄂爾多斯所屬之達拉貝子

及杭錦郡王旗地緣長一千餘里徐繼畲兩漢邊郡今地考畧漢五原郡據

一統志在今內蒙古西二盟茂明安烏拉特兩部界內

茂明安在陰山之北東西一百里南北一百九十里

拉特在陰山陽山之南東西二百五十里南北三百里

漢五原郡跨入河塗鄂爾多斯境內者止河陰一縣其

餘地勢之可考者皆在烏拉特境內

大青山北出之口在廳北者曰蘇勒哲谷其西曰烏達谷並

通烏拉特部其東曰夏魯第曰特門庫珠並通茂明安部皆

古陰山道也亦設卡倫

方輿紀要黃河徑三受降城南者漢人謂之北河河之外

陰山橫亘中外大限常以此分

案今惟東受降城地屬山西其城址當在薩拉齊廳

東南

史記趙築長城自代並陰山下又始皇西北斥逐

匈奴自榆中傍河以東屬之陰山以爲三十四縣或謂之

陽山蒙恬傳恬築長城渡河據陽山逶迤而北是也漢元

帝竟甯初呼韓邪願保塞因議罷邊備吏卒郎中侯應曰

北邊塞至遼東外有陰山東西千餘里草木茂盛多禽獸

本冒頓依阻其中治作弓矢來出爲寇是其苑囿也孝武

出師征伐斥奪此地攘之於幕北建塞微起亭燧築外城

列屯戍以守之然後邊境得用少安幕北地平少草多沙

匈奴來寇少所隱蔽從塞以南徑深山谷往來羌難邊長

老言匈奴失陰山之後過之未嘗不哭也晉太元十一年

拓跋珪以國有內難自盛樂北踰陰山依賀蘭部魏始光

四年伐木陰山大造攻具謀伐夏統萬城太延五年將軍
稽敬等大破柔然於陰山之北太平眞君四年幸陰山六
年復幸陰山之北謀擊柔然是時起殿於陰山北殿成而
仇池楊難當來朝命曰廣德殿九年幸廣德殿旣復幸陰
山遂西擊柔然明年復幸陰山分道伐柔然大敗之蓋魏
都平城去陰山近自太武後其後皆數遊畋無歲不至或
一歲再至焉唐貞觀四年李靖破突厥頡利於陰山軍於
磧口遂斥地自陰山北至大漠九邊攷自陰山而北皆大
磧磧東西數千里無水草不可駐牧中國得陰山則乘高
一望寇出沒蹤跡皆見故陰山爲禦邊要地

蒙古游牧記茂明安部東西距百里南北距百九十里漢
原郡地後魏懷朔鎮地唐振武軍地遼東勝州地屬西京
道金因之元屬大同路明初設衛戍守後入於蒙古案

茂明安遼金元牧地南至固爾班哈喇陀羅海八十里接

當為雲內州地東南至魏邁烏蘭和碩七十里接歸化城土

突鄂博界有墨東南至魏邁烏蘭和碩七十里接歸化城土

畢爾山所起西南至吉蘭陀羅海八十五里接烏拉特界有

設封堆起西南至吉蘭陀羅海八十五里接烏拉特界有

里和岳爾伯爾克山西流經官山入烏拉特界案昆都

倫河西南流合哈喇木倫河故亦名黑河又云抄河在包

頭鎮西四十里與歸化城東北之官山黑河所謂有九十九泉者各別記誤合為一

歸綏識略特門庫珠卡倫在歸化城西一百四十里距東

黑魯庫四十里案當在薩拉齊夏魯第卡倫在城西二

百里距特門庫珠一百二十里蘇勒哲卡倫在城西二

百五十里案即應北里之水湖溝門踰溝即白衛果

應大小山溝十一處惟應北之水湖溝門及烏達卡倫

在城西三百里東距蘇勒哲五十里案即應西北之五

牧記烏拉特東南百二十里布爾圖又作無黨蒙古游

有互達河源出布爾圖山

謹案薩拉齊居全晉西北極邊爲唐東受降城遼金
雲內州地背負陰山之險前扼河套之衝其北蘇爾
哲谷一帶水經注通謂之廣德殿西山迤西之包頭
鎮準於古爲朔陽當漢五原雲中二郡之界北魏武
川懷朔兩鎮之南隋圖經言入塞三道其中道正北
發太原經雁門馬邑雲中出五原塞直向龍城者也
而應境寥廓內蒙古如烏拉特三旗鄂爾多斯後旗
皆在管內自西陲用兵包頭一區常資調戍遂爲北
鎮練軍久駐之所蓋形勢所在控制宜先不能以中
外又安而忽之也

大青山北出之中路曰吳公壩口在歸化城北三十里古白
道谷也踰山入喀爾喀右翼部達爾罕旗界其卡倫曰鞞滾

在山前曰察罕庫圖勒在山後

方略雍正九年九月

諭歸化城北翁衮地方係八旗察哈爾西界四子部落茂明安烏拉特東界於適中形勝之處調度二面亦屬容易著行文大將軍馬爾賽令伊帶領漢軍兵四千會同哈喇沁兵一千往翁衮地方環山有樹木水草處劄駐

方輿紀要後魏雲中鎮有白道嶺白道川括地志魏武川

鎮北

案當有

白道谷谷口有白道城水經注芒干水出塞

外南逕陰山又西南逕白道谷谷口有城側帶長城自城

北出有高坂謂之白道嶺芒干水又南逕雲中城北西南

入于河北史魏正光五年六鎮叛李叔仁與破六韓拔陵

戰於白道敗績六年李崇討破六韓拔陵別將崔暹與戰

於白道大敗崇自白道走雲中繼又自雲中引還平城曰
雲中者白道之衝賊之咽喉若此地不全則并肆危矣因
以賞移爲雲州刺史齊天保六年自晉陽親擊柔然至白
道留輜重帥輕騎五千追柔然及之於懷朔鎮大破之至
沃野鎮獲其酋長隋開皇三年命楊爽等出朔州道討突
厥遇之於白道擊敗之五年突厥沙鉢略爲西突厥及契
丹所敗因請度漠南寄居白道川許之十九年高祖等擊
突厥度白道踰秦山七百餘里而還秦山卽陰山矣唐
貞觀四年李世勣出雲中擊突厥大敗之於白道旣復追
擊之踰白道川敗之於諾真水又李靖自定襄引兵會世
勣於白道至陰山破突厥部落十五年薛延陀度漠南屯
白道川據善陽嶺擊突厥可汗於定襄可汗入長城保朔

州白道蓋雲朔之襟要矣

張鵬翮奉使日記自歸化城入山有土城廢址十五里踰

嶺方言昆都倫大壩五里下坡石溝崎嶇車馬難行六十

里駐昆都勒必納峽行棄駝自此始自注山路險遠抵二

十三日折而東向踰平嶺四十里駐席喃莫洛案昆都倫

吳公壩席喃莫洛即西拉木倫漢言黃水也游牧記源出

翁突鄂博岡之西南谷中識畧云在城北百餘里東北流

入喀爾喀右翼界昆都勒必納似即紅泉子站蒙古語烏

蘭布拉克者距昆都倫站正六十里文端蓋自城西北行

直茂明安旗至此乃改道而東循黃水之源出喀爾

喀入門于部落界所踰之平嶺正翁突鄂博岡也

蒙古游牧記喀爾喀右翼部東西距百二十里南北距百

三十里漢定襄雲中二部北境唐張武軍地遼為豐州地

地為札薩克多羅達爾漢貝勒游牧牧地東至額古爾圖

華六十五里

接南至哈達滿勒河源

七十里接歸化城土

默特界東南五十里

有西神山蒙古名巴林翁西至烏蘭戶特圖五十里接
亥九十里有翁亥鄂博圖

通志輯要翁亥山在歸化城北三十五里上有元時所

建旬城廢址案山即白道嶺也元延佑七年李文煥

一舍有環繞之山名曰祁連中有捷徑故道旬城山谷

此之銀炭迤遶陽險阻近爭一信抵天平七十餘里

歷經沿革山水泛漲阻妨車兩監州傑烈知州郭口興

除利病輒欲修理就諭降社分命東旬城尖山李家戶

等村鳩集工役蜂聚平治以致險隘之地遂成平坦之

途於三岔山路設置巡兵警備所盜賊畏伏商旅通行

歸綏識略翰滾卡倫在城北二十里乾隆十九年設察

漢庫圖勒卡倫在大青山後嘉慶二十二年設案翰滾

壩口古白道谷也察漢庫圖勒又作察罕葛圖爾在歸

化城北一百八十里元淨州路也其州城始天山縣方

輿紀要在大同西
黑勒庫口在城西北七十里古白道中谿也後魏武川鎮所

在舊設卡倫道通克楚驛與茂明安部界

方輿紀要武川鎮魏六鎮之一也北史魏太武破蠕蠕列
置降人於漠南東至濡源西暨五原陰山分爲六鎮曰武
川曰撫冥曰懷朔曰懷荒曰柔元曰禦夷孝文太和八年
高閭請依秦漢故事於六鎮之北築長城又云計六鎮東
西不過千里一夫一月之功可城三步之地強弱相兼不
過用十萬人一月可就是六鎮皆在代都以北胡氏謂以
千里計之六鎮相距各一百七十計里是也正光四年沃
野鎮民破六韓拔陵叛其黨衛可孤圍武川鎮又攻懷朔
鎮六年柔然阿那瓌爲魏討破六韓拔陵自武川西向沃
野越破拔陵兵杜佑曰後魏六鎮並在馬邑雲中單于府
界其武川鎮在白道中谿水上

案中谿水今黑勒河也
水經注芒干水又西南逕

雲中城北自道中溪水注唐志武川鎮城在天德軍北又
之詳見山川考大青山下云光祿城東北有懷朔古城俱未足據案水經注塞水出懷朔鎮北荒中塞水今察蘇齊河也在黑勒庫西三十里則懷朔鎮相距必不甚遠

歸綏識略珂捋庫卡倫在城西北八十里距鞞滾卡倫

八十五里識略又作黑勒庫谷云在城西七十里谷內盡產松柏乾隆輿圖作克魯庫俗亦名黑牛溝

又云大青山游牧地西界自白衡郭爾山起至克壽

山止與茂明安爲界案克壽山理藩院則例作克拙封堆卽康熙中所設三十餘驛之克

楚也在昆都倫西北百餘里又道光中增設山後卡倫有克勒溝字亦作克星在歸化城西北二百六十里與

茂明安界準其地望皆不甚遠或卽一地也

哈爾沁口在城東北四十五里古武泉地也迤東爲鄂奇特

谷並設卡倫北通四子部落

方輿記要武泉城漢雲中郡屬縣也漢初灌嬰擊反韓王

信於馬邑別降樓煩以北六縣破胡騎於武泉北水經注
西南與武泉水合其水出武泉故城西南案當在今哈拉
沁鄂奇特間武泉水即小黑河也又醇縣之陽武溝亦名
武泉周勃傳後人以往至武泉皆當在陞南隋國經許沱
水西與五泉合是也顧氏並舉以證此城似未要然漢書
已武泉五泉五書矣
不別其為縣為邑

蒙古游牧記四子部落東西距二百三十五里南北距二

百四十里漢雁門郡及定襄郡北境晉為拓跋氏地唐為

元島大同路振武軍地遼為豐州地屬西京道金島西京路

明入於蒙古牧地南至伊柯塞爾拜山百四十里接察西

至巴顏鄂博土名富峪百五里接西南至察罕和碩里二百

察哈爾鎮歸化城土默特界

歸綏識略哈喇沁卡倫在城東北三十里距鞏滾二十

里鄂奇特卡倫在城東北四十里距哈喇沁二十里喇

克沁谷疑即明史紫河所源之黑峪口也識畧云即今

廣放暖位之所距城四十五里鄂奇特谷內有崇禧寺

距城六十里又云歸綏北界自克壽山起至托蘇圖山止適中爲哈達瑪爾河源併收記喀爾喀右翼南至哈達瑪勒河源七十里山後屬達爾罕山前屬土默特東界自托蘇圖山起至烏蘭察布源泉止與四子部落爲界

綏遠城碑記城在歸化城東北五里許大青之山擁其後伊克土爾根巴哈土爾根之水抱其前喀爾沁之水帶其左紅山口之水會其右地勢寬平山林拱向實當翁袞山喀爾沁口軍營之衝

榆溝俗名烏里雅蘇臺在城東九十里出溝爲古牛川由甯遠廳北界經察哈爾牧場通張家口邊舊設卡倫爲大青山前東出之路

方輿紀要牛川在大同北塞外水經注于延水出長川城

南牛川亦當相近

案魏書天興二年常山王遵從東道出長川高涼王樂真從西道出牛川以裝

高車長川在于延水北于延水今之東洋河則二川並當在秦哈爾牧場內而牛川在西去歸化及甯遠為近矣

晉太元十一年拓跋珪大會於牛川即代王位是年以竊

咄之亂乞師於燕自弩山至牛川屯于延水南出代谷永

興二年長孫嵩討柔然至漠北而還柔然追圍之於牛川

通考察哈爾八旗分東西二翼西四旗曰正黃旗又西曰

正紅又西為鑲紅最西為鑲藍

東四旗在直隸與山西中分正黃旗為界正黃西半

旗並正紅旗南界豐鎮廳鎮紅鑲藍二旗南界甯遠廳北

至四子都魯西至歸化城各旗轄內官地及旗民交涉事

牛以四旗總及相正黃旗駐穆遜特格山

在張家口西北三百二十里

東西距一百里南北距二百八十里

漢代郡且如縣地金撫州威甯縣元屬興

和路明烏天成正紅旗駐古班托羅海

在張家口西北三百七十里東

西距五十里南北距二百八十里

漢雁門郡北境遼為大同府天成長青二縣北

境金元皆屬大同明為鑲紅旗駐布林泉在張家口西北

東西距五十里南北距二百九十里漢雁門郡北境遼德

大同府北境明為大同邊外地鑲藍旗駐阿巴漢喇喀山在北境金元皆屬

西距一百九十里南北距一百里漢雁門郡沃陽縣遼金

大同府邊外地

歸綏識略烏里雅蘇臺卡倫在城正東七十里距鄂奇

特三十里土名榆溝奉使日記自巴爾蘇臺土城二十

道五十里出山入平地案文達所經之深谷草木叢生羊腸一

自此至白塔爾村為古豐州城又五十五里至歸化城

圖說歸化城境內萬山環峙大小山溝十四處其西面

之朱爾溝在畢齊克水磨溝在城西北四十里北行為

山為土城子東面之哈拉沁討不氣等處皆通山後大路可

容車騎討不氣在城東八里即榆溝西口

謹案陰山橫亘漠南在山西境者約五百里而歸化城薩拉齊皆在山前北出之道約十餘口而吳公壩鄂博口皆爲最衝隋圖經以出朔陽爲中道而謂白道川當原陽鎮北卽陰山路從此以西及紫河以東惟此道通方軌自外道皆小而失次者多以古準今地形不易故述之較詳餘則以設有卡倫爲據地名並從俗稱前代障塞城邑稽其可知者繫之

大青山以南川原平曠迤西阻河爲固其東界連大朔爲東西二口銜途者曰大溝門古參合陁也在和林格爾廳東北八十里東出爲石匣溝在甯遠廳西北五十里又東至大朔邊外之北盡曰豐川營古長川道也在豐鎮廳東北二百里並北鄰察哈爾牧場西通歸綏而東達直隸之張家口

方輿紀要晉元康中拓跋祿官分其衆爲二部一居代郡
參合陂之北太元二年後燕慕容垂遣其子寶擊魏還至
參合陂營於陂東蟠羊山南水上魏軍追至陂西登山下
臨燕軍縱兵掩擊燕軍大敗二十一年垂復伐魏至參合
見積骸如山設祭弔之死者父兄皆號慟垂慚憤疾篤而
還魏永興二年北擊柔然引兵還參合陂案參合地近代
都魏主歲時巡
幸講武多在此水經注沃水東逕參合縣南魏因參合陁
具見魏書帝紀以卽名也北俗謂之倉鶴陁道出其中亦謂之參合口長
川卽漢志于延水也水經注于延水出塞外柔元鎮西長
川城南小山東南流逕且如縣故城南一統志且如故城
在天鎮邊外時未
設豐鎮
廳也

歸綏識略和林格爾東北至甯遠廳界大溝門八十里

甯遠廳志西去廳治五十里有西溝門又名石匣子溝
羊腸回繞石路崎嶇行四十八里出溝則一帶平地南
望千里

大同府志高廟子西南距豐鎮廳二百里東通張家口
北有二道河又北有大青山西北有黑山子中有哈刺
溝一道路通察哈爾正黃旗界見設豐川營防守

諸鎮戍在歸綏境者曰畢齊克齊司曰清河汛曰沁昌汛曰
昆都倫站曰克克伊里根曰東白塔兒在薩拉齊廳境者曰
包頭鎮司曰多爾濟汛在托克托廳境者曰河口鎮在和林
格爾廳境者曰和林格爾卡倫曰五定汛曰八十家站在清
水河廳境者曰石壁汛在甯遠廳境者曰科布爾司在豐鎮
廳境者曰張皋兒司曰二道河司曰四美莊汛

朔漠方略康熙三十五年征噶爾丹自歸化城西北至推

河抵阿爾泰之地置三十餘驛第一曰昆都倫案在城西

識略云未分五廳之前有東路昆都倫協理通判駐和林格爾境內

蒙古游牧記殺虎口一道設蒙古站十一北路四站曰八

十家子曰二十家子曰薩拉齊曰歸化城八十家子在和林格爾廳南一百里二十家子即廳治蒙古語二十日和林房屋曰格爾

也又廳北少東六十里歸化城界亦有地曰和林格爾乾

隆中設卡倫處

王慶雲石渠餘記吉蘭泰鹽由船運至山西省北磴口為

發運之所河口鎮為入晉停泊要區各設大使一嘉慶十

十七年罷案河口鎮在托克托廳南二里阿善磴口在薩

拉齊廳西四十里自吉鹽停運磴口並廢惟河口鎮為托城衝要之區繁富如故

歸綏識略和林格爾卡倫在城東南八十里距烏里雅

蘇臺三十里歸綏稅務舊分歸化城綏遠城西包頭薩

拉齊托克托和林格爾昆都倫八十家子八處乾隆四

十年奏明於和林格爾東白塔爾稽察漏稅在城東五

十五口外蒙古廠地寬閒米粟羅羅較別務尤急如歸

化城屬之畢齊克齊及山後克克伊里根等村皆米粟

匯聚所在車駝絡繹不絕克克伊里根又作可以力

練軍前撫張奏請設青山路副將一營劄駐處也

圖說清河汛在歸化城南二十里大黑河沁昌汛在城

南九十里沙爾沁村並外委駐守包頭鎮本作泊頭俗稱西包頭有

巡檢在薩拉齊廳西一百里把總駐守多爾濟汛在廳

東一百二十里歸化城界外委駐守並隸歸化營五定

汛在和林格爾廳南五十里五松圖魯石壁汛在清水

河廳北六十里並隸靖遠營後營子在甯遠廳東南一

百里有巡檢司今移廳北二百張皋兒在豐鎮廳東北

一百六十里三道河在廳東北一百八十里並設巡檢

司四美莊在廳東北八十里把總駐守隸豐川營大同府志

保全莊廳西二十里西通甯遠
東山巖廳東六十里並設汛

前代關塞之在大青山前者有漢益壽塞翁龍埤沃陽都尉

城後魏講武臺大洛城長川城唐雲迦關河濱關綏遠烽李

陵堂牛頭朝那山遼漁陽嶺元句城莽哥倉明孤店關貓兒

莊其軍鎮衛所已見沿革考者不復著

漢書王莽始建國三年匈奴入雲中益壽塞大殺吏民地

理志西河郡南部都尉治翁龍埤方輿紀要在廢勝州北
案隋勝州北至黃河二

十里河外即
今薩拉齊境

水經注參合縣西去沃陽故城二十里縣北十里有都尉

城地理志曰沃陽縣西部都尉治者也北俗謂之阿養城

案當在今陰山講武臺之東有高祖講武碑案當在歸

箭遠應西二十里察素齊之

北詳見山川考于延水出塞外柔元鎮西長川城南小

山案當在豐鎮東北二道河北察哈爾正黃旗界魏書帝紀太宗永興三年詔尉古真統兵五千鎮西境之

大洛城案在清水河廳境

唐志單于府有雲迦關後廢太和四年復置案單于府治

林格爾廳北土城是也舊東受降城寶歷元年徙治綏遠

烽案當在今

元和志河濱關在勝州河濱縣東北案當在清水河廳西

林開在榆林縣東四十里南臨河案唐勝

州治榆林縣開當在托克托北黃河對岸

寰宇記李陵堂疊石爲之在單于府北單于採騎多候於此

遼史天祚帝保大四年七月率軍出夾山下漁陽嶺取天

德東勝甯遠雲內等州

案元志黑河出漁陽嶺又元修句城碑有比之銀鑾迢遙漁陽險阻

近爭一倍語蓋陰山要徑也惟歸化城及烏拉特並有黑河未詳孰在

蒙古游牧記烏拉特東九十里牛頭朝那山蒙古名吉

蘭陀羅海唐張仁愿築三受降城於牛頭朝那山之北

烽埃一千八百所自是突厥不敢度山放牧

方輿紀要明初元兵圍大同李文忠敗其衆進兵東勝州

至莽哥倉而還孤店關在大同府東北成化十九年王越

出孤店關至貓兒莊襲敵於威甯海子是也

天下郡國利病書貓兒莊

在陽和衛北一百里其北二十里有口子牆承樂元年築本衛哨馬營也大同府志貓兒莊北口子牆當在豐鎮廳

四美莊大
莊科之問

古長城在歸綏北境者故蹟久湮其南境城址起清水河之
北緣紅山而東跨和林格爾甯遠廳南直抵豐鎮北者隋大
業所築也與明代外邊分山前山後其在清水河廳之南偏
關邊之北者爲明代大邊今亦久廢

寰宇記紫塞長城隋圖經云大同以西紫河以東至碣石
綿亙千里崔豹古今注秦漢所築長城土色皆紫故稱紫
塞又圖經云雲中北去陰山八十里南去通漠長城百里
水道提綱兔毛河北流至殺虎口西出邊折而西流有察
漢音圖諸河來會循邊城而西舊名神水河在歸化城南
一百八十里又西流至烏蘭巴爾哈孫城西入黃河案烏
爾哈孫朔平府志紅城也邊牆在其南山沿
河蜿蜒而東卽寰宇記所云通漠長城也

日知錄長城在北邊者史記魏惠王十九年築長城塞固陽此魏之長城也匈奴傳又言趙武靈王北破林胡樓煩築長城自代並陰山下至高關爲塞而置雲中雁門代郡此趙之長城也秦滅六國而始皇帝使蒙恬將十萬之衆北擊胡悉收河南地因越山險堽谿谷可繕者治之起臨洮至遼東萬餘里此秦并天下所築之長城也自此以後則漢武帝元朔二年遣將軍衛青等擊匈奴取河南地築朔方復繕故秦時蒙恬所爲塞因河爲固魏明元帝泰常八年二月戊辰築長城於長川之南起自赤城西至五原延袤二千餘里太武帝太平興君七年五月發司幽定冀四州十萬人築城上塞圍起上谷西至河廣袤皆千里北齊文宣帝天保三年十月起長城自黃榆嶺北至社干戍

四百餘里立三十六戍六年發民一百八十萬築長城自幽州北夏口至恆州九百餘里先是自西河總秦戍築長城東至於海前後所築東西凡三千餘里率十里一戍其要害置州鎮凡二十五所八年於長城內築重城自庫洛拔而東至塢紇戍凡四百餘里而斛律羨傳云羨以北虜屢犯邊須備不虞自庫堆戍東距於海隨山屈曲二千餘里其間二百里中凡有險要或斬山築城或斷谷起障並置立戍邏五十餘所周宣帝大象元年六月發山東諸州民修長城立亭障西自雁門東至碣石隋文帝開皇元年四月發稽胡修築長城五年使司農少卿崔仲方發丁三萬於朔方靈武築長城東距黃河西至綏州綏歷七百里六年二月復令崔仲方發丁十五萬於朔方以東緣邊險

要築數十城七年發丁男十餘萬人修長城大業三年七月發丁男百萬築長城西踰榆林東至紫河四年七月發丁男六十餘萬築長城自榆谷而東此又後之所載繼築長城之事也紫顧氏所考甚備大約元魏以前皆在七似周元象隋開皇皆不出今代朔境惟大業所築之城則確在今殺虎口外矣寰宇記金河上承紫河及濛水南流是以今黑河爲金河小黑河爲紫河又云紫水河自朔州鄯陽西北百七十里流入則卽今兔毛河而更引郡國志云紫河界內有金河泥色紫故曰金河則更合二水爲一然謂水出鄯陽者杜佑也而免毛河出邊後俗名紅河似隋書所云紫河不得以大小黑河當之

舊通志朔平府破虎堡北對鷹窩山西爲古長城又西有小關北直古城案此長城之在甯遠縣南者

大同府志豐鎮北察哈爾界有古長城址

偏關縣志大邊在關北一百二十里東接大同鎮平魯

衛之崖頭墩界西抵黃河二百九十里大邊墩自窰子頭墩起小口子墩止共一十六座中界廣甯營哨馬營三堡明宣德九年都督李謙建嘉靖初猶存後廢爲草地在紅門口外六十里邊防考明初屯田戍邊設大邊二邊以爲捍蔽山西煙墩西路自朔州北什牛嶺直抵東勝路黃河東岸灰溝村索什牛嶺當卽志所云平晉崖頭墩者傳綏議略清水河廐南至紅門口九十里偏關縣界則此邊在廳治南三十里也兩鎮三關志大邊長二百七十里無牆而有鐵籠故自明季已蕩然無復遺址

圖說清水河廳北之土牆自河岸而東延五百五十里距廳西少北六十里坐當黃河東岸有土岡卽水經注河水南入緣胡山也屬起山之北麓直東五里至二道塔南稍折而北十餘里爲岔河口清水河自東南來穿牆流合兔毛河水經注所謂中陵川水西南與一水合北俗謂之樹類水者東北二十里至張五平爲廳北出孔道又二十里至左壁汛南牆中斷兔毛河自東來穿牆而東浦約三里許共曲處南與廳怡直又東歷廣濟村折而東南浦約二十里至倫樹梁有小河名長梁溝又十里

爲合駝溝直東五里復折而南和林格爾廳西土牆西
十五里至黑臺入和林格爾界和
接清水河界南抵殺虎口邊止長七十里黑臺村在廳治西南六十
五里牆續榆樹梁而南二十餘里爲大西溝又十里爲七
爲泥河子並有水口其水皆西入清水河又十里爲七
墩又十五里至井兒溝又十里抵甯遠廳南土牆西起
殺虎口西之大水口與邊牆接甯遠廳南土牆西起
殺虎口外與口內邊牆隔越重山相輔而南至豐鎮廳
西界止延長一百八十里自廳西南三十里之察罕營入界有水口在營東古沃水
也穿牆西出入免毛河牆循山麓而東二十許里北直
廳治南直邊內之破虎堡又東二十里至小海南即墜
澤也有水口疑爲水經注之災豆渾水西北流合於沃
水者土牆中斷數里復起折東北十五里至六道溝北
溝水蒙古語布爾哈何也又東四十里至大海南即諸
間澤也南直左雲縣之保安堡又東十五里至四道溝
北溝水蒙古語莽林圖河也與布爾哈河並穿牆北流
入於大海又東五十里至廳界之萬成村北而止其南
即彌陀山也當大
同左雲慶鎮之界

大青山後之卡倫十有六並在蒙古界其分防之所曰達舍

太在烏拉特部北凡山後諸部同盟之部四盟所曰烏蘭察布在歸化城東其貢道百里一郵烏拉特爲北路與鄂爾多斯並由歸化城分程

會典四子部落喀爾喀右翼茂明安烏喇特四部爲一會

其盟所曰烏蘭察布

議略紅螺谷在城東北二十五里烏喇特四子部落會盟之烏蘭察布也

拉特鄂爾多斯歸化城土默特三部十二旗貢道由殺虎

口自殺虎口至烏喇特爲一路計程九百餘里設九驛自歸化城至鄂爾多斯八百餘里設八驛

歸綏識略大青山後卡倫十六處色爾德思哈魯勒哈

拉托羅蓋哈拉和碩

案哈喇陀羅海在茂明安南八十里哈喇和碩在四子部落南百三十里餘未詳

嘉慶十九年設四翰宸特克庫特依特木圖克勒溝歸

土默特管

斡滾特克疑卽額古特在烏拉特北克勒溝在歸化城西北二百六十里茂明安界餘未詳

詳四處道

哈布塔蓋沙拉哈達

案茂明安西六十里有哈喇達噶烏拉特

光十二年設

東一百里有札拉山疑卽此
二卡 二處道光三年設烏蘭胡都克烏蘭諾爾歸

延壽寺管
烏蘭胡都克在四子都落西南烏蘭諾爾紅海子也不詳所在 二處道光十二年設

莫多沁巴彥布拉克胡雅圖克察罕庫圖勒歸綏遠城

管 察罕庫圖勒見前餘未詳
四處嘉慶二十二年設

黃河津渡南海子在薩拉齊廳西一百里冒帶渡在廳東南

六十里湖灘渡在托克托廳南三里其古渡曰君子津在情

水河廳西北九十里皆由套內通甯夏

水經注河水于二縣之間
經云河水南過赤城東 濟有君又南過定襄桐過縣西

子之名皇魏桓帝十一年西幸榆中東行代地洛陽大賈

齋金貨隨帝後行夜迷失道往投津長日子封送之渡河

賈人卒死津長埋之其子尋求父喪發冢舉尸資囊一無

所損其子悉以金與之津長不受事聞於帝帝曰君子也

卽名其津爲君子濟在雲中城西南二百餘里

案此雲中城爲北魏

舊都之盛樂在和林格爾西距河百六十里二字疑衍文設詳山川考

朔漠方略康熙三十五年十一月

諭皇太子曰二十七日駐麗蘇村二十八日駐胡灘河朔漠人稱此爲脫脫城此卽黃河之岸波流甚緩非南方黃河之比二十九日朕詣河干將河測量其闊五十三丈仰射而過五十餘步於是登舟逆流舉棹以試水勢船猶可行自歸化城至黃河岸一百七十里又自湖灘河朔起至甯夏止安十三塘

方輿紀要晉太和三年代王什翼健擊劉衛辰自君子津濟時河冰未合什翼健命以葦絙約流俄而冰合然猶未堅乃散葦於其上水草相結有如浮梁代兵乘之以渡太

元元年苻秦伐代什翼健軍還至君子津會代亂秦將李柔等勒兵趨雲中遂定其地魏始光三年自將伐夏行至君子津會天暴寒冰合遂濟河襲統萬大掠而還明年遣執金吾桓貸造橋於君子津尋發諸軍濟河又來遼津在君子津之南魏永熙二年高歡表請討宇文泰云臣今勒兵自河東渡又遣恆州刺史庫狄干等將兵自來遼津渡案東魏恆州僑治秀容似不當迂道至河套以濟師水道提綱河過古勝州境稍折而東而南至湖灘河朔渡口卽古君子津原注在歸化城西南一百九十里又懼帶誤今更正

蒙古游牧記鄂爾多斯部東南爲左翼前旗

本古榆林塞隋置榆林郡

唐屬勝州置河濱縣宋爲西夏所據明初爲榆林左衛地

札薩克固山貝子游牧地東

至湖灘河朔古君子津當在此間元和志勝州河濟縣黃
濟縣在勝州南一百九十里當
在今托克托清水河兩廳界

歸綏識畧包頭鎮南十五里有南海子又刺麻灣渡口

俗名湖灘河朔與西北毛代渡口或謂卽古君子來遼

南津今設渡船鄂爾多斯以西商民俱從此渡河案圖

喇麻灣有二一在托克托廳南三十里一在廳南九十里
里清水河廳界湖灘河朔字本作胡坦和碩蒙古語
隅也當在今廳南之河口鎮非喇麻灣君子津以水
注元和志諸書核之當是廳南界之喇麻灣在清水河
廳者

津梁慶凱橋在歸化城北門外洪津橋在城南四十里黑河

上玉官橋在和林格爾廳東南八十里新城橋在豐鎮廳東

門外又淮銀橋樂善橋並在廳東

歸綏識畧慶凱橋以康熙三十六年征噶爾丹凱旋得

名洪津橋在城南四十里

蒙古游牧記歸化城西南三十四里爲渾津村村南十里

外有渾津巴爾哈孫舊城基址城北有黑河向西流案此故城與北魏之雲中宮爲近東距盛樂西距古雲中皆四十里又卽隋之原陽鎮也

州圖云白道川富原陽鎮北也玉官橋又名魚貫橋在八十家子村西北五里南北跨溝日久傾圯通判玉衡

重修

豐鎮廳志新城橋在東門外新城河上河水漲溢石橋

圯廢每歲霜降架木成梁長六十二丈淮銀石橋在廳

東一百六十里張皋兒巡檢司渾源渠上樂善橋在廳

東北一百八十里二道河村後河上

卽東洋河古于延水也

舊通志漢七年太僕夏侯嬰從擊代至武泉雲中文帝

四年匈奴絕和親大入雲中三萬騎殺掠甚衆景帝中

六年六月寇入雁門至武泉元光元年十一月驃騎將

軍李廣屯雲中冬南單于助漢扞成呼衍骨都侯屯雲
中郎氏骨都侯屯定襄元朔四年夏寇入定襄殺略數
千人六年春二月大將軍衛青將六將軍兵十餘萬騎
出定襄斬首三千餘級還休士馬於雲中定襄雁門元
狩四年大將軍衛青出定襄將五萬騎至幕北斬萬九
千級至闐顏山乃還太初三年正月寇入定襄雲中殺
掠數千人行壞光祿諸亭障本始四年遣前軍韓增三
萬餘騎出雲中塞千二百里至烏圓斬首捕虜至侯山
百餘級虜馬牛羊二千餘王莽天鳳年遣厭難將軍陳
欽震狄將軍王巡出雲中案前漢雲中在托克托定襄
在和林格爾武泉在歸化城
舊志以雲中事入大同縣定襄事入左雲縣武泉事入偏關縣茲並更正後漢永平十六年
二月北部大入雲中塞太守廉范率士卒拒之斬首數

百級寇自麟藉死者千餘人由此不敢復向雲中陽嘉

四年十月烏桓寇雲中遮截商賈牛羊十餘萬度遼將

軍耿煜率二千餘人擊之不利又戰於沙南斬首五百

烏桓遂圍煜於蘭池案沙南故縣在今鄂爾多斯左翼後旗蘭池在縣南遼志懷仁漢沙

南地永壽二年秋鮮卑檀石槐將三萬騎寇雲中晉

太元元年十二月秦兵破代置戍雲中案代王猗盧居定襄之盛樂至

什翼健爲九年秦甯朔將軍朱萬三千騎從雲中援秦

姚萇邀擊萬大敗之二十一年燕主慕容垂踰青嶺經

天門磬山開道出魏不意直指雲中陳留公虔鎮平城

邀擊敗死魏主欲出走會垂寢疾時垂次參合乃還師舊志

漢事並後魏天興五年正月柔然社輪以魏師伐秦入

參合陂南至善無北澤常山王遵以萬騎追之不及始

光元年宜城王奚斤將軍安同閭大肥出雲中白道至
漠南二年蠕蠕大檀寇雲中太武親討之三日二夜至
雲中大檀還四年太武西伐沮渠牧犍宜都王穆壽輔
景穆居守長樂王稽敬建甯公崇二萬人鎮漠南蠕蠕
吳提犯塞壽素不設備賊至七介山京邑大駭司空長
孫道生拒之於吐顏山會敬崇等破吳提兄乞列歸於
陰山之北吳提聞而遁走正光五年沃野鎮民破六韓
拔陵聚衆反引兵南侵遣別帥衛可孤圍武川鎮又攻
懷朔鎮經年武川陷懷朔亦潰孝昌元年蠕蠕阿那瓌
率衆討破六韓拔陵衆十萬從武川鎮西向沃野頻
戰克捷東魏興和二年阿至羅別部遣使請降齊神武
率衆迎之出武川塞不見大獵而還

六鎮之亂舊志分
隸於右玉朔州茲

採其大略凡後魏事已見方輿紀要者不復徵及

齊天保六年六月帝親討茹

茹出塞至庫狄谷百餘里內無水泉六軍渴乏俄而大

雨七月帝頓軍白道親率輕騎五千追茹茹及於懷朔

鎮帝躬當矢石頻大破之隋開皇末漢王諒與行軍

總管史萬歲由馬邑出塞至大斤山與寇相遇達頭引

去萬歲馳追百餘里乃及擊大破之逐北入磧數百里

而還行軍總管李景於大斤山別路邀賊大破之唐

永隆元年三月裴行儉爲總管出定襄討突厥阿史德

溫傳奉職二部戰於黑山大破之擒溫傳奉職餘衆奔

保狼山行儉復逐出之

案黑山卽陰山狼山在烏拉特東四十里蒙古名綽農托羅海

卽唐置都督府處也舊志云黑山在懷來城入其事於天鎮縣

開成五年回鶻潰亂詔

振武軍節度使劉沔屯雲迎關爲之備會昌二年河東

節度使劉沔與天德行營副使石雄夜出雲州走馬邑
抵安衆塞逢虜與戰破之烏介方薄振武雄馳入城夜
穴壘出盛兵烏介驚引去雄追北烏介被創走雄遇公
主奉主還降特勒以下衆數萬盡收輜帑及所賜詔書
天佑三年八月契丹阿保機率十萬騎入塞攻朔州拔
之勒石紀功於青冢之南時自代北至河曲踰陰山悉
爲契丹所屬 遼保大二年遼主聞金師將至趨白水
澗粘沒喝以精騎襲之將近行營遼主乃覺率輕騎走
夾山四年夏稱藩於金金以下塞以北陰山以南雲中
之地二千里畀之 元至正十八年關先生掠大同興
和塞外諸郡 明天順六年佩將軍印楊信與副將徐
恕參將張瑛分道出塞與敵戰胡柴堡敗之寇且戰且

卻復敗之獲馬五百餘匹嘉靖十六年二月大同總兵
官梁震出塞與俺答衆戰於玉林川廢宣甯縣斬百四
十餘級三十九年二月總兵劉漢自鎮河口出塞搗寇
帳於灰河秋劉漢大破寇於豐州大同右衛邊外由土
城舊城而北經二黑河一灰河歷三百里其地曰豐州
崇山環合水草豐美叛人邱富趙全李自馨等居之築
城建墩構宮殿甚麗開良田數千頃接東勝州號曰板
力進言城也富等勾引入寇所擄掠華人及叛出者俱
聚板升教之製鉤杆攻城具時俺答引衆西掠閱二年
留千騎守老弱夏徙大青山口外避暑惟富等不徙漢
與巡撫李文進密謀部分參將王孟夏麻祿等五十三
人率銳卒三千馳進漢與趙奇以重兵分三哨營於玉

林川爲後繼孟夏等羸糧疾驅昧爽鼓譟奮斬八十三級生擒七十二人焚其宮室餘衆奔匿趙全匿墩上幾獲之俄而我騎大至我兵引退且戰且卻分哨迭戰還與大兵合翼日入邊往反凡五日

附錄天下郡國利病書唐張仁愿所築三受降城皆在河套之北大漠之南史謂中城南直朔方意今河套之地西城南直靈武意今甯夏之地東城南直榆林意今在綏雲之間其故址無復可考說者多謂東勝州卽古東受降城所在其地今有斷頭山地最肥腴且疑卽史所謂牛頭朝那也明初設東勝衛於此其後移於內地宣德正統中往往有建議者欲復其故然而卒不達焉夫自古守封疆者必據險阻然守險也不守其險而守

於險之外若卽險而守則敵與我共其險矣是以古人之守江也必守淮而河亦然唐人禦突厥也始以河爲界其後張仁愿乃建三城於河之外焉是卽守江之意蓋擇其要害之地扼其吭而折其脅也是以唐自有此城之後朔方益無寇戍省費億計減鎮兵數萬此其明驗也今日邊關營壘措置已定固無可更革之理然事有暫勞而久安者費少而效大者古人亦不憚改作在平行之有其漸處之有其道焉

右邊外七廳

山西通志卷四十四

關梁考二

考三之二

山西通志第四十五

賜進士出身頭品頂戴兵部侍郎兼都察院右副都御史巡撫山西提督軍務臣張煦奉
旨監修

雁平道屬地上

偏關邊關河保
朔平邊大同邊

邊端起自河曲北連大朔謂之外邊東連甯雁謂之內邊皆
以偏頭關爲阨塞之首今甯武府屬之偏關縣也在府西北
百八十里本古武州塞地後爲偏頭寨屬河曲縣明代建守
禦所與甯武雁門並稱山西三關舊爲苛嵐道分駐今裁其
缺而統於雁平道舊管堡十有八管邊二百餘里今省其戍
而併於偏關水泉二營邊牆南連河邊營制與河保營相犄
角也次爲一路

天下郡國利病書偏頭古武州地

通典朔州有秦武
州塞說詳山川

東連

了角山西通黃河與河套僅隔一水其地東仰西伏故名

偏頭宋自南渡後屬金元爲偏頭關明因之

案宋置偏頭寨金因之元

爲關舊通志元嘗置武節將軍提密院判鎮守明洪武中始設關置守備專勅守關

以東爲馬站爲八柳樹爲老營東北爲小營爲水泉北爲寺塢爲滑石澗西爲樺林爲樸子營爲羅圈爲楊窰爲唐家會爲五花營爲得馬水爲灰溝南爲永興東南爲八角爲長林大邊在關北一百二十里起大同之崖頭至黃河二百七十里無牆而有藩籬成化二年總兵王璽復於關北六十里起老營了角墩至老牛灣築牆一百四十里就爲二邊而三邊則在關東北三十里起石廟兒至石梯墩凡七十里爲總兵李瑾所築四牆在關北二里起雕窩山至教場一百二十里爲兵備張鳳翔所築後復以時增修

比之二關尤爲慎固蓋山西惟偏頭亦稱外邊與宣大角峙宣大以蔽京師偏頭以蔽全晉也

舊通志北漢主鈞天會元年城偏頭砦於韓廣嶺之上卽今關城也元擴廓帖木兒紀功碑云移師武州之阨塞曰偏頭關明洪武二十二年鎮西衛指揮張賢改築於西原城近河坪去故址一里成化元年都御史李侃展拓之兵備道及鎮守副總兵駐之後屬城二有五堡十三寨案二城爲八角老營其堡寨多在河曲境詳各條下

國朝雍正三年改偏頭爲偏關縣同城爲偏關營領樓溝

堡老牛灣堡北爲水泉營領草垛山堡滑石澗堡東北

爲老營堡營領買家堡五眼井堡馬站堡永興堡偏關

舊設參將後改都司今復裁老營都司改千總隸偏關營水泉舊設遊擊後改守備所領之堡並設把總或外

委

代州志嘉靖三十七年設偏甯道明年改岢嵐道駐偏

關更設甯武道

甯武府志康熙四年省岢嵐道歸雁平

老牛灣口在偏關縣北六十里邊牆起河曲之石梯隘沿河而北至關河口而入縣境至老牛灣而東折爲大邊所始其堡在邊南隸偏關營出邊爲清水河廳界有老牛溝北達廳治西臨河套

水道提綱河自湖灘河朔渡口南流經平魯縣邊界當東岸邊城起處入經老牛灣又西南經偏頭所西有關河來注又南折而西五十里循東岸古邊城下折而南流經西岸陝西邊城起處府谷縣東北界之娘娘侯家口稍南經

東岸河曲縣北境

歸綏鐵略河入薩拉齊境折而東南至二道河入托克托境至喇麻灣入清水

河境至老牛灣出境為偏關縣界自折東南流至此約三百餘里

蒙古游牧記鄂爾多斯左翼前旗東南至喀喇和碩

八十里

接邊城界旗東南六十里有夾山遼天祐通入夾山疑卽此也案明史兵志成化七年余子俊大築邊城由黃甫川西至定邊營千二百餘里橫截套內復壅山堙谷曰夾道東抵偏頭似所謂夾山始於明非遼

舊通志老牛灣明成化三年總兵王璽築牆崇禎九年

兵備盧友竹建堡東接滑石澗口臨黃河岸首當西北

之衝堡南河口墩乃關河入黃河地關河南為樺林界

堡東至滑石西至河皆二里常勝山上有墩右老牛灣左十里南至樺林八十二里

滑石澗俯瞰黃河東長嘴在偏關北五十里東西石嘴

胥表五六里河經其中萬家寨關西北四十五里巨石

嶺巖下臨河岸昔人結寨其上

今駐老牛灣把總一員

紅門市口在偏關縣東北八十里當水泉營北其西爲驢皮
窰並南北衝途也臨邊之險曰滑石澗曰草垛山並有堡隸
水泉營

方輿紀要水泉營堡明宣德九年建萬厯三年修其北爲
紅門隘口隆慶五年馬市成設市堡於其處沿邊有兔兒
窰等處爲最衝邊外兔毛河甯邊河等處卽部長駐牧堡
通鄰外境爲偏關肩背山坡平慢最易馳突其西爲驢皮
窰嘉靖中石州之變實由於此草垛山堡在水泉營西二
十里邊口有驢皮窰東坡墩楊家莊等衝邊外通雙墩子
鶴子溝一帶又西十五里爲滑石澗堡亦宣德九年置邊
口水門等處爲最衝草垛溝次之水門迤西卽接河套冬
深冰結防禦尤切

舊通志驢皮窰口在偏關東北六十五里徑道平行昔
爲邊衝而兩崖石山可以制勝紅門口近水泉營乃廠
溝也明都督李謙以溝通塞外建敵臺橋洞外設邊牆
兵備道趙彥增左右雙翼塼臺東有東梁亭草梁山堡
突出崇山直望三十餘里爲沿邊傳烽之首滑石澗堡
前有暗門西有滑石二墩東有水門澗水自水門北流
有小口子墩出小口又有大口子又水門溝口在滑石
澗東上有敵樓下有
湧泉稱險隘滑石草
梁二堡各駐外委一員
歸綏識略清水河南至邊牆紅門口九十里爲偏關縣
界

五眼井口在偏關東北一百二十里老營之北隘也外邊自
老牛灣橫互而東至老營堡之鴉角山始折而北至五眼井

當其曲出口有視遠隘新寤溝入清水河廳界其南則內邊
首也內邊之東爲將軍會並有堡當朔甯之衝亦隸於水泉
營

方輿紀要老營堡在偏關東北八十里正統末置宏治十
五年萬歷六年增修近邊有鴉角山五眼井等衝邊外通
王家莊銀川城諸處嘉靖四十一年寇從鴉角山五眼井
入犯老營至甯武一帶舊通志嘉靖十六年八月俺荅由
平魯衛入至老營四十二年俺荅
川趙全謀欲夜襲老營結堡中張輝諸賊爲內應先一口
水泉營守備陳一言偵知馳報總兵郭琰琰衛校疾馳堡
上候易置守門將士以親丁部署甫定而俺荅至舉火
爲號中無應者叩城中何人曰郭大將軍懼而奔遁

舊通志五眼井堡西至水泉營四十里南至老營所三
十里明崇禎十年連接了角山最爲衝要五眼井墩山
西老營堡界首垣至朔州了角山墩爲南盡復折而西

五眼井口在偏關東北一百二十里視遠隘乃五眼井
堡邊隘也在堡西十五里成樓遠眺下有石洞名視遠
洞新密溝在偏關東一百三十里溝通塞外今駐外將
軍會堡舊名白草坪明萬厯九年建在老營堡東十里
舊隸井坪所後改老營今改歸水泉營方輿紀要有青
家張白羊林營石溝俱極街邊外有黑青山據三城之
街爲二鎮之要地今
駐外委把總各一員

舊通志明宣德四年兀良哈山段家村入總兵李謙設
伏於黃草梁擒其首隱克力等十年由七里溝入指揮
江海等戰敗死正統元年復由七里溝入指揮馬貴等
敗其前鋒乃退十四年也先至大樹塢景泰初兀良哈
駐樞山數犯偏頭宏治十四年寇入七里溝十五年掠
偏頭關正德十年小王子入總兵周紳敗績於柞子塢

守備周鏞等皆沒十一年復入

偏關志是年大舉入寇至嵐縣等處守備傅鐸

從榆林總兵安某遊擊亢雄大敗之於山莊坪

十四年由朔州入至龍灣十五

年正月由朔州入至三义溝嘉靖八年十月俺荅由大

同入至土棚堡總兵李瑾敗績於劉海莊

縣志七年從草梁山入遊

擊邵定與戰日暮入堡被圍四日飲食盡絕旋突圍戰死

十一月小王子糾河套七

萬餘騎由井坪入遂掠朔州至偏頭乃退九年正月復

入瑾伏兵龍灣出縱擊敗之由是終瑾任不再犯十五

年八月由寺塢入至馬站營九月由巖頭溝入十月復

入一歲凡三犯十六年由平魯衛入至老營十九年八

月由朔州入二十一年七月復由朔州入參將張世忠

邀擊於六支村戰死

縣志四十一年由老營入明年由老營青石壘塢

入遊擊榮平守備祁謀中軍沈繼芳陳倫皆死隆慶元

之四十五年又從驢皮窰入中軍孫繼先死

年黃台吉大舉入寇縣志由清石東至平魯連日繼入三日方盡徑至汾州圍隰州邊牆在縣境者延長一百四十里

偏關縣志二邊係中外之限乃明之新邊也

舊通志明長城之制老營堡制五限并墩北直赤山東接朔州衛了角山墩長城復折而西爲山西老營堡界首山東北至右衛兔毛河西墩止胥有長塹又西有關山關北山有長城塹東起赤山西止廟記山廟記山北乃哈屯不刺也又西爲青草卯墩長城復迤北又西爲將臺南直關河源又西爲破魯關又西爲垣內平安口墩又西爲阻虎墩南直老營堡又西爲馬頭山長城凸而北老營堡界止水泉營堡制元卯墩東接馬頭山爲界首南直垣內水泉墩又西爲將臺又西爲垣內南海

子墩又西爲黎兒墩微凸又西爲東梁亭長城勢迤南
又西爲紅門隘口有甕城城北有關三關鎮市場也甕
城北有閘三日中日左曰右近甕城有關一曰內閘乃
市馬之界也隘口內有城南墩墩東西有石垣限隘口
南直八柳樹堡又西爲紅門右墩長城勢迤北又西爲
護城墩坡勢凸而北南直水泉營堡又西爲護營墩又
西爲北窰墩胥在垣內南直馬站堡又西爲石卯凸而
北又西垣內有海子墩又西爲石窰垣內有長梁墩又
西垣南直乾溝堡又西有墩墩西南垣內又有乾溝墩
又西爲鎮羌墩又西爲滅魯墩又西爲石山垣勢附山
半南直草垛山堡又西垣內有殺賊墩北直石山剗賊
墩又西石山忽缺有垣又西石山復起有垣又西復缺

復起並有垣又西石山復突兀有驢皮窩墩又西石山
復缺有垣又西復絛互垣胥附山南直楊家莊又西石
山復缺有垣又西復突兀垣內有青草卵墩又西爲水
口兩山間有垣南直偏頭關城又西石山復大起垣勢
附山內有保安墩又西復缺滑石澗由兩山間水門北
流又北有水垣又北爲小口子水垣又北爲大口子水
垣胥夾山水門又西石山復起有小口子墩垣內有滑
石澗暗門南直滑石澗堡又西有滑石二墩又西石山
復缺復起並有水口垣西北表互娘娘廟垣又西石山
復起復缺復起有垣北對水北娘娘廟又西爲水門墩
北對廟西連山又西石山垣內有龍鬚墩北對水北山
巔石門墩又西爲小莊窩墩石山少平坦水泉營界止

此爲西盡老牛灣墩制東接水泉營滑石澗堡小莊窩墩爲界首長城復折而南又南有五墩又南山復突西上有老牛灣墩又南有官廨南直關河外常樂墩又南山勢復突西南直關河外河口墩袤至黃河止老牛灣山南乃關河入黃河地也總督翁萬達疏自老營了角爲垣九十里奇重如之增添敵臺四十四鋪屋六十六品審三千暗門一水口一又云自石廟兒視遠隘以北起北至周家口止又自視遠隘以南起南至樊家窰止爲垣四里梁斗輝邊防議山西三關惟偏老沿邊地方自炭榮卯至老牛灣止邊長一百一里有奇添設墩包空心樓實心樓各十五座敵臺二百一十六座見存墩堡墩臺隘口空實故臺三千七百一十處

成堡之在邊內者曰樓溝堡在縣南曰馬站堡在縣東並隸偏關營

甯武府志樓溝堡在縣南四十里明隆慶二年建萬厯

三十七年展修偏老以南樓煩以北藉爲策應

今駐外委一員

舊通志馬站堡東至老營西至偏頭並四十里

駐外委一員舊

隸老營今改偏關

邊牆在河岸者爲河邊延長一百五十五里屬河曲縣者百四十里

舊通志明長城之制河曲縣河口鋪東北接常勝墩爲界首長城胥沿黃河墩胥列垣內南有五鋪又南爲虎兒戰墩東直樺林子堡又南爲咽喉墩又南爲天峰一墩二墩東直樓子營堡又南爲蒿卯二墩又南爲拒虎墩東直羅圈堡又南爲萬斛浴墩黃河勢迤西又南爲鎮河一墩二墩四堡五堡又南爲靖狐一墩二墩又南爲守河一墩東直灰溝營又南爲守河三墩五墩黃河

勢復迤東又南爲塹河堡西直垣上守河八墩又南爲平泉墩西直垣上守河九墩又南爲楊家寨墩西直垣上守河十墩東直唐家會堡又南爲白溝營墩又南爲顯寨墩西直垣上橫牆墩以長城勢將盡有橫牆入黃河潁故名之也又南爲卻狐墩山西長城界止共爲垣一百五十五里黃河又南直五花營堡又南直得馬水堡又南直楊河堡又南直石梯隘口口東枕高岡西臨黃河全晉長城蓋始於此越河則陝西延綏清水營石梯隘口東南十五里爲河曲縣案故縣在今縣東南七十里翁萬達疏自西黃沙樺林子起至唐家會止爲垣六里有奇塹再倍之增敵臺四鋪屋十二品簪六千六百四十九暗門一水口

倚邊之堡今設防者有樺林堡樓子營河曲營河會營唐家

會焦尾城其灰溝營則今河曲縣所治之河保營也諸堡隸之惟樺林堡別屬偏關營

河曲縣志河保營古灰溝堡卽今縣治明宣德間建成化間都御史李侃置恆養倉於內設守備一員軍八百名冬月冰合調偏老等軍萬餘謂之禦凍後改參將統軍三千罷禦凍軍樓子營縣東北二十里明宣德間建萬厯間修武宗會駐蹕於此河會營卽潞澤營縣東南二十七里明萬厯間總督蕭大亨議以每年冰合由潞澤營始調客兵二千駐守十一月集二月罷萬自約記魏中丞公會制臺王公在河曲營上下荒度得要地爲今河會堡自河會至河曲營城三十里南至石梯隘口三十里河會迤北二里爲下營又西北十五里爲唐家台此地平坦無險泮河抵黃甫川僅三十里河開則險在水河凍則鎮守標兵及東西二路偏老馬站諸營并防範焉始事萬厯丙申三月踰年秋告成城周二里八十步內建

營房六唐家會堡縣東南七里明正統間建宏治十四
百間

年火篩自七里溝入唐家會河曲營卽舊縣城樺林堡

縣北六十里明成化間建隸偏關營焦尾城縣東北十

里河保營參將駐縣城樓子營把總外委各一員河曲

營唐家會營各把總一員河會營把總外委各一員
焦尾城外委一員樺林堡千總一員外委二員

河邊以南其隘曰沙泉甯朔西渡之衝也在河保界曰深溝

水汛通興縣曰蒼水山汛通苛嵐並在保德州境

河曲縣志沙泉汛在縣東南一百二十里設外委一員

有驛西至保德年延驛四十里

保德州志深溝水州南三十里興縣往來要道最爲崎

嶇蒼水山州東南一百二十里苛嵐州界明知州胡楫

嘗請與州西南之林遮峪並設義勇官巡緝者也
林遮峪在

州西南七十里。有黑石崖。棧及禪師崖。棧並臨黃河。其徑逶迤盤曲。胥稱要隘。

廢邊在偏關縣者曰三邊。互縣城北曰四邊。障縣城南其起自老牛灣。環諸堡而東。今號大邊者。乃二邊也。而大邊則在清水河廳境。皆前明所築也。在保德州者曰古邊。自州南之偏橋村西抵黃河。乃古長城也。

邊防考明初衛各五千六百人。以屯田戍邊。又設大邊二邊。以爲屏蔽。山西煙墩西路自朔州北忙牛嶺直抵東勝路。黃河東岸灰溝村。案此灰溝屬東勝。當在清

九邊輯略明正統間主帥宴樂於樓子寨。致寇突入邊內。於是玉林雲川諸衛內徙。樓子寨即今河曲北二十里之樓子營。

天下郡國利病書保德州長城自州南偏橋村西抵黃河南接興縣八十里。考州志秦并趙築長城於嵐州。是時雲

中五原皆爲郡則宣大之南河保之北皆爲內地必不於
嵐州別爲寨也蓋趙肅侯嘗備二胡築長城矣嵐州之城
殆肅侯所築歟案此城當是北齊時所築顧氏日知錄所考甚備此採之兩鎮三關志而未及詳夏者

偏關縣志三邊在關北三十里起老營石廟兒西抵白
道坡石梯子沿山削崖平地築牆長九十餘里明嘉靖
八年李瑾建專爲內地重隘而設今爲耕牧所廢案石廟兒當卽石記山山明長城外塹在平魯界者東起赤山西止石記山山北爲哈屯不刺卽今清水河地四邊
在關南二里東起長林鴈窩山崖西抵本關教軍場隨
山削除長一百二十里又於關南五里要路築堡曰羅
漢坪堡正德十年兵備張鳳翔建今興三邊並廢案三邊皆云在關北二里未暇

故戍在外邊者寺塢堡韓家坪堡舊隸偏關營黃龍池堡舊隸水泉營永興堡賈家堡八柳樹堡小營堡長林堡好漢山堡柏楊嶺堡舊隸老營在河邊者羅圈堡集義城堡五花城堡得馬水堡陽河堡舊隸河保營其古寨有雄勇董家橫谷桔棹護水下鎮與偏頭皆宋火山軍所領也

宋地理志火山軍砦六並廢慶厯初置偏頭

嘉祐六年廢雄勇

董家橫谷桔棹

熙寧元年廢

護水

宋火山軍故治在舊河曲縣東北三十里寰宇記雄勇鎮

在軍北二十里桔棹寨渡河至府州四十里又今縣北五十里有董家砦餘不可考

元豐九域志火山軍砦一下鎮

案今有下營堡在河會營北二里

偏關縣志寺塢堡在縣北四十里明嘉靖八年總兵李瑾建韓家坪堡與寺塢堡同時建並設防守一員黃龍池堡在縣北五十里明宏治間與草垛山堡同時建設

操守一員永興堡在縣南四十里明正德十年兵備張鳳雛建萬曆十七年甄包設防守一員賈家堡在縣東一百里明嘉靖四十三年兵備王遴建北通大邊口五眼井東接平魯衛觀音山酸刺梁邊口南通長林堡火路朔甯二郡咽喉地也舊設操守一員八柳樹堡在縣東六十里明景泰二年都督杜忠建小營堡在縣東六十里明嘉靖七年總兵李瑾建方輿紀要八柳樹堡西北紅水溝最衝寇每從此入犯偏頭老營小營見在老營堡西二十五里山脊之上本民堡也長林堡在縣東一百五里明宏治十五年兵備楊綸建好漢山堡在縣東一百里明崇禎五年建衝大邊柏楊嶺堡在縣東北九十里明宏治間建方輿紀要柏楊嶺在老營堡西北沿衝萬曆初因山高無水移於峯兒塢仍存故名而新堡亦復無水汲於塌崖溝今俱裁併

舊通志明宏治十四年以後寇住套中地勢平漫偏頭
關逼近黃河焦家坪娘娘灘羊圈子地方皆套部渡口
往來無虛日保障爲難三關要害雖同偏頭尤急明成
化二年總兵王璽築邊東起老營之丫角墩西抵老牛
灣南折黃河岸抵河曲石梯隘口表二百四十餘里成
化二十二年兵備郝志義修嘉靖二十三年巡撫曾統
檄參政蘇佑兵備劉璽幫築建敵臺二百二十六座上
建舖隆慶二年巡撫楊巍檄兵備范大儒等加幫巡撫
宋繼巖實萬厯二十五年兵備趙彥又建空心磚樓并
諸隘口敵臺

鄉堡附見舊志者偏關及保德屬凡二十五處

兩鎮三關志內地村落與城相遠因築城守堡以避敵

患或官築或民自築或兵守或民自守案官築兵守者

堡也志亦謂之鄉堡

舊通志凡各州縣寨堡鋪鎮非甚險要而亦足資防守

者附見案舊志附見之寨堡詳略不一姑依原數書之

知偏關縣八寨楊家寨在縣東四十里星坐驛口在縣西

二十里小關河口在縣東九十里本古砦在河會營星坐驛

寨在河曲縣南十五里下鎮東南一百六十里有高家溝

在縣東南六十里瑯子塢東南一百六十里有高家溝

河曲所分故界未清也據圖縣東十五里有高家溝

東南十里北二十里有營梁皆設有張保德州九寨陳家

寨十里南寨州東南五十里新哇寨州東南五十里

割刺寨州西南五十里王叢林溝寨州東南六十里河

曲縣八寨石城鋪魯家口牛家寨州東南六十里辛家平斬賊

通志偏頭五堡十三寨今其地皆在河西沙泉鋪見前舊

津焦尾城灰溝馬營已見前小偏頭在縣東北七十里

十三寨者石城河會辛家董家五花下營已見前大嶽
在縣南十二里伍門樓南二十五里平泉東北五里大
嶽東北二十五里甘草嘴海子西莊三寨未詳

沿河邊口之在河曲境者自關河口以下至石梯隘皆渡口
也屬偏關者曰焦家坪渡娘娘灘渡太子灘渡羊園子渡屬
河曲者曰九梁津唐家會津陰灣渡楊汚渡大油渡大口渡
茅子坡渡並通延綏石梯隘之南卽天橋峽矣其下渡口皆
屬保德曰水寨渡東溝渡故城渡花園渡柴家窰渡韓家川
渡桑園渡神山渡馮家川渡並由府谷達榆林

舊通志關河口在偏關縣西二十里石梯隘口在河曲
縣西北十五里今縣南十五里長城自石梯隘起至老營了

角墩袤二百四十里懔船灣斬賊溝娘娘廟石城鋪天
險壁立故明時多未築其築者後亦多頽云

明萬恭疏
信自老牛

灣至於險崖河急不來據騰而防自險崖至於陰灣河
緩始水廢牆以守而打水之議起隨打隨結愈墜愈堅
今議自險崖至陰灣每年河東為極衝除濟道溝起至
羊道坂四里石山陡險不必議修應修築者二十餘里
又自陰灣起止石門隘口河多不娘娘灘太子灘並在
東為次衝應修築者亦二十餘里
河曲縣西北九十里九梁津北一百里宋慶厯間置權
場路通西夏今廢唐家會津西北六十里陰灣渡西北
四十里楊汚渡西北二十里茅子坡渡西五里通陝西
清水營黃甫川案此里數均據今縣南七十里舊縣言
太子灘二渡在縣境舊志與焦家坪羊
圍子並入之備案方與紀要焦家坪在陝西與唐
會之曲峪對岸是亦河曲地也而備案志自唐家會一
渡外皆不詳姑仍舊志書之又河曲有天橋峽在保德
大油渡水西門大口渡皆在今縣城西
州東北三十五里河曲縣界黃河經峽西流上廣十二
丈五尺中廣七丈下廣八丈五尺共長九十丈冬月積
冰成橋名天橋有渡東岸石上有槽闊三丈餘深淺不

等乃古人疏鑿通渭地也舊志河至天橋子南流又曰

黃河岸狹可橋蓋河中石岸寬平直出距西岸石山幾

七丈有奇納大河於中不見其溢明弘治初總督文貴欲立橋疏上不報正

德十四年都御史張貴奉命營度不可遂止嘉靖十一

年六月御史徐汝珪陳邊務言宜漕石州保德之粟自

河而上以達延綏崇禎三年七月御史黃道直請發銀

易米一由保德州河道一出洛宜陸道往陝西賑饑

水寨州東北十五里黃河中歸然似三門砥柱上有水

寨寺有渡元天厯元年詔保德州之寨底天橋白羊穿

塹壘石爲固調丁壯守之寨底卽水心寨也寨在河北

石家山南高二十八丈周圍稱是宋咸平中詔河東轉運使鄭文寶於府州

定羌軍經度浮東溝渡在州城下里明正德間設官船

橋人以爲便後廢萬厯中復設故城渡州西二十里花園子渡州西

今官渡改由東溝有花園磧對鴨兒灘花園寨在御道

二十五里塢下有花園子墩在州西南二十八里柴家窰

渡州西三十里

有柴家窰墩踰河由府谷至鎮羌堡八十里

韓家川渡州西

五十里桑園渡州西五十里對石支坪神山渡州西六

十里馮家川渡州西南九十里

踰河由府谷小木山至神木縣一百六十里

黃河至天橋峽業有自西而南之勢花圍磧又少屈而

北而復南至韓家川則西流全折而南流矣河曲縣

志境內各口自開河以北歸樺林堡管其南馬連口沙

棧口飲馬口石城口牛角口吳峪口樓子營管趙家口

娘娘口魯家口蔡家口焦尾城營管水西門口侯家口

許家口河保營管水門口暗門口斬賊口唐家會營管

口石梯隘口舊縣河曲營管

舊通志明景泰元年也先犯河曲及義井堡殺二指揮

成化元年火篩至楊河堡十九年正月又至楊河堡宏

治十四年自七里溝入至唐家會嘉靖四十三年俺荅

由河西五虎山踏冰入保德把總王宰兵三百殲焉四

十五年由唐家會踏冰入千戶徐堯臣兵百餘殲焉數

日由賈家灣入至馮家川村落無煙又嘉靖間套部入
邊河曲守備王世臣及千總李虎遇之於冰橋峽戰歿
崇禎元年黃甫川賊王嘉允吳廷踏冰掠河曲三年六
月嘉允陷城

津梁廣濟橋永濟橋通眞橋在偏關縣澗虹橋郝家橋浚雲
橋廟溝橋迎陽橋倒迴谷橋星坐橋在河曲縣石梯橋惠民
橋在保德州

偏關縣志廣濟橋在城南迤東五里許俗呼大橋明建
康熙四年府丞王維秀重修其東百步許有通濟橋今
廢永濟橋在城西迤北一里明建通眞橋在東門外亦
明建康熙中並重修鞏西橋在城西一里明嘉靖初建
控北橋在永濟橋北明崇禎年建今並廢

河曲縣志澗虹橋在舊城南百步跨大澗河上郝家橋
原名大塌平橋在舊城東南沒雲橋在舊城西南五里
廟溝石橋迎陽橋並在舊城東一里倒迴谷橋在縣東
南九十里接保德界金貞元三年建星坐土橋在縣東
南六十里星坐驛通偏關路

保德州志石梯橋在東北二十里通河曲

通志石梯驛在石梯山下

明萬曆二十六年水惠民橋在城西南井溝明時建康
衛成河一名楊家河熙中重修又有保德橋在南門外亦明時建今廢

附錄外三關邊圖說三關險要雖同而偏頭爲急河岸
渡口雖同而娘娘太子二灘尤急蓋開平東勝廢而三
關重三關重而偏頭尤重徒知楊方起衅則大同外藩
不可恃而不知偏頭老營之際無外藩者尤可憂也茲

因山川之崎嶇爲屯守之形勢自老營以接平魯由平魯以達大同東西連絡藩垣嚴固則丁角墩而南陽方口而東庶少息肩乎 天下郡國利病書明初置東勝諸衛事多草創什伍虛耗至正統十四年遇於敵難詔徙諸衛內地遂棄東勝此有明所以不復有四郡之實也洪熙宣德之間玩常而不思其變景泰天順之際言近而不謀其遠由是偏頭鄰於敵境而全晉以北單矣豈惟全晉五原雲中趙武靈所欲下甲咸陽者也此而不守則左臂斷全陝危矣于少保嘗極力於獨石而不注懷於東勝其意何也 兩鎮三關志詢之秦外明水涉柳川鋪火燄山大黑山松樹山駐帳則必犯偏頭案山並在今清水河廳境明水涉蓋卽刺麻灣張四維復鄭范溪書三關爲

晉障雖均然甯雁外嚴朔應而偏關則密與套寇爲鄰
其緩急不同今雁平之塞若盤道梁等處石壁足稱天
險而偏頭以西抵於黃河最爲剝膚乃其牆臺猶未足
爲永賴儻再加料理亦若盤道梁之屬此三晉萬年利
也 總督宣大程鵬疏三關中爲甯武雁門在東偏關
居西西鄰黃河逼近河套每遇河東侵犯嵐靜多由偏
關出沒而雁門一帶恃有大同爲之屏蔽 三邊總督
王之誥防秋疏延甯二鎮沙漠平衍哨卒無所趨避故
套中動靜皆得預知宜與山西之偏老互相傳報 總
督翁萬達邊關圖說略云山西起保德州黃河岸迤邐
而東歷偏關抵老營盡境大同起西路丫角山迤邐而
北歷北中二路抵東路之東陽河鎮口臺皆逼臨邊境

險在外者也山西老營堡轉南而東懸甯武雁門北樓
至平刑關盡境又轉南而東爲保定界懸龍泉倒馬紫
荆關吳王口插箭嶺浮圖峪至沿河口皆峻嶺崇岡險
在內者也是故丫角五眼井爲外邊內邊之要樞又三
關西路圖說云偏關故無塞也扼偏關塞自失東勝始
蓋偏關去東勝三百餘里登陴眺焉則受降城故墟可
指永樂間始棄東勝特重偏關故建大將於此其後雲
中弛防朔南頻擾陽方失守太原告警於是移總兵於
甯武居適中之地然偏關門戶而雁甯堂奧也堂奧有
警而以門戶之守守之是自撤其勾陳而授敵以鑰矣
修邊疏云自老牛灣黃河岸起北至水泉營紅門隘口
止增添敵臺一百一十五鋪屋三百四十五自老營堡
丫角墩起西至滑石澗水門墩止爲垣九十里奇墅
如之增添敵臺四十四鋪屋六十二品簪三千暗門一

水口

總督王崇古免調援兵疏山西自偏頭關老牛灣黃河東岸起東至老營堡丫角墩止共長一百四里是爲外邊秋守邊而冬守河極爲寇衝又自丫角墩起東至平刑關石窰菴止共長七百里是爲內邊中聯甯武雁門倒馬諸關向恃大同爲藩籬脫遇大舉大同不能堵截每由內邊諸口直犯關南內郡是有兵尙難自固若復將老營游兵盡選馬軍遠戍保安正兵東駐陽方去偏老三四百里一旦寇入非惟老營不可守卽汾石隰吉諸州皆可蹙至矣 劉龍指揮僉事袁杲行狀

潞河七堡與延綏大同隔遠瞭望不通公議添設大楊諸墩一有警報瞬息數百里 王越禦寇方略疏灰溝營與清水營相離四十里偏頭關與延綏止隔一河本

關除游兵之外尙有堪戰軍馬四千於內選出一千聽
候河西傳報聲息警忽船隻便一同渡河協助戰守大
同遊兵亦選三千在大同左右衛或朔州操守相隔延
綏止是四程一聞偏頭關灰溝營傳報按次而進足以
應援事緩卽回本處操守川省邊備延綏經久之策無
出於此

謹案偏頭本河曲故寨明代列於三關號山西邊與
宣大並重

國朝改設偏關縣隸甯武割河曲縣隸保德軍事悉統
於大同其北界之清水河廳爲漢定襄郡之桐過駱
諸縣地而遼金之東勝甯邊州也西鄰之套部蒙古
爲漢西河郡富昌美稷諸縣地而唐宋之勝州府州

也關介定襄雁門二郡間準於古富在武州寨內漢
唐皆守在險外屏蔽雲朔明初建東勝諸衛跨河東
西全晉藩籬未爲不固也自豐勝內徙河套不復成
宏以後邊事日棘諳達即俺答和碩即火篩出入無忌而
防秋兼以防河內邊變爲極邊其禍與有明終始迹
其築垣列戍無當遠略而以知扼要明利害亦大一
統者所不廢也今制三關雖僅存雁門而邊牆則於
農隙仍令軍民協修其他營堡多因明舊亦形勢使
然特甯雁所重者關也偏頭所重者邊也舊志所次
一準縣綱今辨其地利參以營制而以偏關河保與
大朔合志云

右偏關河曲邊保德州附見

外邊自鴉角山迤北爲朔平邊中出之隘曰殺虎口在朔平

府右玉縣北二十里古定襄道也爲宣大以西甯朔以北歸

綏以南之首衝前明屬大同右衛建堡於此爲中外市場今

改衛置府設協鎮駐口關稅督以戶部司員其邊牆自口西

之鐵山雲石二堡迤而南爲平魯路與老營連自口東之破

虎堡迤而北爲助馬路與左雲直在右玉境者則分轄以朔

平城守威遠堡營及口東口西諸堡出邊入和林格爾廳界

通鑑貞觀三年詔李靖出定襄道進討突厥四年靖屯

惡陽嶺夜襲頡利敗之注惡陽嶺在古定襄城之南案定襄郡

漢治成樂在今和林格爾廳北後漢治善無在今右玉

縣南靖自馬邑進軍此惡陽嶺當在府北廳南又有善陽

嶺近白道則爲大青山矣又案隋居突厥於大利城卽成

樂之古定襄隋志大利有長城陰山紫河也紫河今兔毛

河出口名紅河長

城陰山詳前卷

方輿紀要殺虎堡在大同右衛西北明嘉靖二十三年置
萬曆三年增修周二里堡逼近邊牆免毛河直通塞外川
原平行便於長驅古道溝新水口今大河俱極衝邊外歸
化城即屬部駐牧隆慶五年設市場於此爲往來孔道舊
志萬曆四十三年復建殺虎新堡名
平集堡中建商店凡交易俱在此

右玉縣志破虎堡在縣東北五十里明嘉靖元年建萬
曆二年展修周二里營屬助馬路分管邊牆東自左雲
甯魯堡界起西至殺虎堡界止長六十里三分邊牆六
外磚樓三座火路城十八座駐把總一員殺虎堡營分管邊牆東自閭門
二十臺起至破魯堡界止長十二里西自閭門二十臺
起至朔平城守營止長十五里共袤二十七里邊牆四
大路城五座朔平府城守營本大同右衛分管邊牆北自殺

虎口界起南至鐵山堡界止長四十一里

邊墩十四座
火路墩八十座

九鐵山堡縣西南二十里明嘉靖三十八年建萬曆二

年展修周一里有奇分管邊牆北自朔平營界起南至

雲石堡界止長一十里五分

邊墩八座
火路墩十座

雲石堡縣西

南四十里明嘉靖三十八年建萬曆十年改建於王石

匠河周一里分管邊牆北自朔平城守營界起南至威

遠堡頭墩界止長十四里三分

舊邊墩七座
火路墩十座
駐把總一員

威遠城縣南五十里屬平魯營分邊牆北自雲石堡界

起南至威虎堡界止長十五里三分

邊墩四十二座
火路墩五座

又

殘虎堡縣東北十里明嘉靖三十三年建隆慶六年修

舊裁為民堡今與鐵山堡並設外委惟不管邊

雲石堡
鐵山二堡

舊隸朔平營今
改歸殺虎口

朔平府志石玉縣長城共長一百七十八里四分

歸綏識略漢元朔四年匈奴入定襄明年又寇代郡定

襄六年二月衛青出定襄率六將軍擊匈奴後魏太延

五年柔然問魏主伐姑臧乘虛深入至善無隋開皇十

九年十月以突厥突利爲啟民可汗命長孫晟於朔州

築大利城以處之

是年造高顯分道出朔州伐突厥破之族蠡山追度白道嶺

大水口在平魯縣西北四十里古吐頽山也樹頽水自口西

出直達黃河是爲清水河以地僻而險商旅鮮通有堡在邊

內邊牆自此折而南迤邐百里以至老營之鴉角山皆與清

水河廳界其營堡之在縣境者曰敗虎曰阻虎並倚邊曰迎

恩明代設市處也有七墩口鎮川口今皆塞

魏書太延五年車駕北伐蠕蠕乘虛犯塞侵及善無京師

大駭司空長孫道生拒之於吐頽山

天下郡國利病書大同西路迎恩堡滅虎堡小市場二處

市期月或一或二滅虎堡今廢

方輿紀要平魯衛在大同府西二百五十里城北面高山

東西岡阜環繞險與敵共隨在皆衝而大水口諸處尤甚

邊外清水河一帶卽屬部駐牧嘉靖中崙嵐應朔之變俱

從此潰入

舊通志大水口堡東至威遠城五十里西至邊牆二里南至敗虎堡二十里北少東至雲石堡

二十里敗虎堡在平魯衛北四十里嘉靖二十三年築隆慶

六年增修周一里鎮川墩泉兒溝最衝邊外灰河一帶及

長勝墩迤北俱爲寇境嘉靖中由此入犯朔州爲衝險之

地

敗虎原

迎恩堡在衛西北四十里與敗虎堡同時築修

周一里有奇鎮川墩最衝老鴉嘴次之邊外泥河兒一帶

卽屬部駐牧往往由此入犯阻虎堡在衛西三十里寺兒墩極衝邊外乾河溝卽寇境堡孤懸極塞路當險要嘉靖十九年由此入犯石州一帶三十二年由此犯苛嵐一帶所當力防以西當偏頭之衝南扼雁門之險者也平魯衛營改縣後制朔州衛之井坪城老營堡之乃河堡隸之平魯營今設都司一員諸堡各駐把總一員大河口駐外委一員舊通志大木口堡營分管邊自威虎堡界起至敗虎堡十六墩止袤三十里邊堡八座敗虎堡營分管邊北自大木口界起南至阻虎堡界止袤二十里邊堡七座有雙礮墩在堡西四十里崇禎十年築邊牆上墩二層高四丈周十六丈內建房十九間石窗十四孔門裏以鐵四面女牆頂建剛聖廟樓臺高聳遠瞻塞內外數十里馬駐防要地阻虎堡營分管邊今四座乃河堡營分管邊河堡界止袤八里五分邊墩今四座乃河堡界起南至乃自阻虎堡界起西至五眼井堡界止袤三十一里邊堡九座案乃河堡與朔州馬邑山陰舊並隸并路所分管邊後併入縣故志云平魯邊牆袤百五十里蓋統威遠城及所併朔州諸邊合計之也

朔平府志平魯縣長城共長五十七里六分闕隘大水

口有汛

今外委駐之

七墩口在縣北五十里鎮川口在縣西

三十里今並塞

溢水口在左雲縣東北一百二十五里古武州北塞也前明於縣建大同左衛與右衛並爲大同中路邊牆自殺虎口東歷甯魯威魯破魯諸堡漸迤而北別建五堡於邊外統以助馬堡稱北西路今仍其制而益以左衛及中路之破虎諸堡爲助馬路沿邊有拒門史家馬市樓諸口而以溢水口爲稍衝出口有後營子巡檢司在甯遠廳境

方輿紀要武州城戰國時趙之武州塞也漢爲武州縣屬雁門郡武帝元光二年王恢誘匈奴入武州塞後魏道武破柔然高車勅勒諸部皆來降其部落附塞下而居自武州塞以西謂之西部以東謂之東部崔浩曰平城首西百

里有武州城案前漢武州城在今左雲縣東後漢徙治今平魯縣西南顧氏以崔浩言爲非謂武州在

朔州西百五十里乃遼金之武州非漢縣也說詳山川考大同左衛在大同府西南百

二十里明初設永樂七年萬厯六年增修有黑龍王墩水

源兒墩爲最衝邊外威甯海子屬部所居也嘉靖中設兵

備使者於此分堡十四爲大同中路改縣後營屬助馬路爲大同北西路兼轄

中助馬堡嘉靖二十四年築萬厯初增修周二里有奇有

小振遠等墩極衝邊外源城兒一帶卽屬部駐牧堡設在

極邊東接拒門西連保安所謂外五堡也迤東地勢平易

其馬頭山迤西邊在山內無險可恃隆慶以後置市於此

皆爲衝要舊通志係在縣東北九十里北至邊牆十里距大同府亦九十里明嘉靖二十三年三月總督

崔鵬鑿長型總兵周尙文議於縣內城城魯破魯威魯甯魯靖魯五堡募邊人爲軍墾地國朝雍正七年設巡檢

司九年兼轄懷仁拒門堡在助馬東十餘里同時修築邊

營與高山角

外威甯海子水泉兒灘周家嶺皆屬部駐牧又堡東有彌

陀山寇嘗困我兵於此

舊志堡在縣東北一百二十里

保安堡在助

馬西十餘里同時修築邊內雙溝子舊入墩子梁五墩子

梁俱極衝邊外界牌溝九龍溝玉林城一帶俱駐牧地勢

平易儻一失守高山左衛而南無安宇矣

案堡東北有馬市樓口

破

魯堡在助馬西南二十里周二里有奇舊爲極衝自增建

五堡稱爲腹裏土田饒衍宜於耕種但患地勢平曠

此下三堡

並同時修築

威魯堡在助馬西四十里周二里有奇雙井溝等

處最衝邊外東寺溝花子山齊頭山及禿墩一帶俱駐牧

嘉靖中嘗由青北塔入犯地勢平曠易於馳突堡在西南

極邊距左衛五十餘里亦障蔽要地也

西北有施家口甯亦曰史家口甯

魯堡在助馬西五十里周二里喜鵲墩最衝邊外土城及

傳家嶺毡帽山一帶俱駐牧嘉靖中不時入犯款塞後設

市場於此舊通志左雲城營在腹裏舊管邊墩今裁併破

止袤十五里二分邊墩八座自拒門堡起南至威魯堡界止袤三十四里六分邊

敬四至甯魯堡界止袤八座威魯堡界三分邊墩十六座火路墩同

甯魯堡分界邊東自威魯堡界起西至破虎堡界

朔平府志左雲縣長城共長八十六里關隘有溢水口

在助馬堡距縣一百里雍正九年巡撫石麟奏助馬一

南溢水口在北相隔七里倚邊關門邊民耕種收獲各

由相近口出入其拒門一口寬敞平坦人畜車輛出入

頗便至溢水口原為拽水而設邊民就便行走而車輛

駝載從此出入震動拒水不無損壞邊牆之虞應令附

近民人帶有農器者春秋兩次放行平時關

閉其車輛駝載概由拒門堡出入不得混行

司

甯遠廳志懷遠所舊治後營于乾隆十五年改設巡檢

舊通志明宏治十二年火篩入大同左衛大掠八日遊
擊張俊傑之荆東莊依河結營擊卻之嘉靖二十年七
月俺荅由左衛豬兒窠入南抵太原豬兒窠在左衛城北二十七
年八月俺荅伏兵五堡誘指揮顧相等出圍之彌陀山
總兵周尙文急督副總兵林椿等出塞援之指揮周奉
千戶呂愷郝經等已陣沒尙文轉戰次野口伏突起殊
死戰斬其長一人相持月餘乃引去

邊牆在府境者延長三百二十二里

朔平府志東北自府境邊界接大同府大同縣邊界拒
牆堡交界起西南交甯武府偏關縣邊界老營路所轄
將軍台止通志南至木泉營邊界止共袤四百一十里
案通志既以老營堡所轄之六十里計入又
蓋以拒牆堡至拒門堡之二十
里遂至參差今以府縣志為據

舊通志明長城制破魯堡制逐魯一墩爲界首東接大同鎮河堡十六墩北倚石梯子對水泉又西爲三墩北對深溝又西爲四墩北對窰溝又西爲七墩長城址南有土溝北爲助馬堡在垣之外重垣之內有關堡北倚陡嶺又西爲八墩北對馬邑山又西爲九墩北對黃土坡南直河外高山城又西爲十墩北對馬頭高峰又西爲黃土坡墩青土坡墩北對小團山破魯堡界止爲垣二十七里滅魯堡制安民墩爲界首東接破魯堡青土墩北有保安堡在垣之外重垣之內重垣至堡止堡北對海東山又西厯三墩至太平墩又厯二墩至永樂墩北對雙山又西爲管家溝北對蘆草溝鴉兒巖又西厯二墩至東坡北對尖山兒又西爲西坡有堡堡外有護

堡垣有鎮邊關南直威魯堡北對沙嶺兒又西爲雙山墩長嶺墩北對鎮海堡又西爲甯魯墩北對入股泉又西爲守口墩滅魯堡界止爲垣一十七里威魯堡制界牌墩爲界首東接滅魯堡守口墩西爲榆溝又西爲水泉又西爲舊莊西有水口北對尖山又西爲衝溝又西爲雙井又西爲柴堆墩北對窰子溝又西爲小關乃水口也北對團山又西爲雙溝西有暗門又西爲東水泉墩北對馬站溝又西爲小關號雙北水口又西爲西水泉墩北對定安山又西爲尖山墩南直威魯堡又西爲曹家南山墩垣形彌迤西南北對中土山威魯堡界止爲垣一十八里甯魯堡制甯團墩北對傅家嶺爲界首東接威魯堡曹家南山墩西爲鹽醬溝又西爲大柳條

墩長塹止又西爲高坡墩雙溝水由墩東石山出垣暗
門又西爲灣坡墩長城抄灣又西爲石山墩有小關北
直老武營墩又西爲喜鵲墩北對石嘴又西爲鎮溝墩
有小關水口灣坡至關止又西爲甯魯堡關又西爲黑
石巖南對甯魯堡又西爲望川墩北對石嘴又西爲稱
鉤墩北對鎮河墩長城又少灣又西爲黑龍王墩甯魯
堡界止爲垣一十七里大同左衛制水泉兒堡爲界首
東接甯魯堡黑龍王墩西爲屯軍溝長溝北對屯田北
山又西爲屯軍西長墩北對三山又西爲左衛二小關
乃水口也又西爲左衛關又西爲十家莊窩又西爲王
茂山墩南直左衛城北對水海又西爲劉東山柴堆山
又西爲堂子山墩北對棒皮溝又西爲王家中西嘴墩

北對石婆寨王家中西嘴墩至馬堡北馬尾山東墩得
有堦馬尾山西墩又有堦堦中如小木口古道溝黑龍
王灘山寨溝劉隔子溝等與兎毛河形勢相似又西爲
盤溝北對雙廟又西爲半坡墩大同左衛城界止爲垣
十七里以上今左雲縣滅魯堡威魯堡今並隸助馬營汛甯魯堡今隸威魯堡汛左衛今爲縣在股婁汛歸甯魯堡破虎堡制照壁山堡爲界首東接左衛半坡墩
西爲雙營兒北對鷹窩山又西爲鎮溝墩北對雙廟又
西爲三岔又西爲古長城墩又西爲小關北直古城又
西爲饒頭山西有關又西爲曹家北山垣凸而北又西
爲山前墩北對安子山破虎堡界止爲垣二十一里馬
堡制水泉兒墩爲界首東接破虎堡山前墩東爲道溝
又西爲虎頭山垣凸而北又西爲邢家溝中有雙水口

又西爲石橫有小關歧道北出北對雙土山又西爲馬
尾山東西有水口垣凸而北南直馬堡又西爲中馬尾
墩至右衛殺虎堡兔毛河晉有壘又西爲西馬尾墩馬
堡界止爲垣二十三里殘虎堡制芹菜坡堡爲界首東
接馬堡西馬尾墩西爲臥羊坡又西爲羊平草場又西
爲暗門又西爲天橋兒北直古城又西有小關歧道北
出又西爲野豬溝又西爲舊堂子墩南直殘狐堡又西
爲東鶯圪塔墩北直雙古城又西有關殘狐堡界止爲
垣二十三里殺虎堡制新水口墩爲界首東接殘狐堡
東鶯圪塔墩西爲小水口北對舊巖西有小關歧道北
出又西爲東山水口北直舊豐州城西爲古道坡垣凸
而北又西爲古道溝有小關北出又西爲黑龍王坡垣

凸而北北對石人兒又西爲黑龍王灘又西爲井溝有
土溝北對大窰又西爲山寨溝長墩殺虎堡界止爲垣
一十八里大同右衛制石崖墩北對平垣山爲界首東
接殺虎堡山寨溝長墩西爲劉隔子溝又西爲暗門北
對大虎石又西爲半坡又西爲堵牆二墩間北直菱角
海南直殺虎堡界右衛關東在東鶯圪塔又少西爲兔
毛河東西墩兔毛河折流出二墩之間河中有堵牆堵
牆西南又有堵柵兔毛河西墩至老營堡五眼井墩止
胥有堊又西爲西馬頭又西爲小關有水流出又西爲
小水口垣凸而北又西爲朱家溝又西爲西鶯圪塔有
小關又西爲陡溝北坡垣凸而北又西爲陡溝水口又
西爲黃家山北直雙山又西爲乾溝子有小關三水匯

而流出又西歷二墩至金家山南直楊鐵口堡又西爲
幸寨北直紅牆又西爲幸兒坡垣少凸而北又西爲小
莊窩北直忙牛嶺又西爲孔家溝墩長城垣西盡黃草
梁墩復折而南東接孔家溝西對玉林山又南爲萊樹
坡又南歷二墩至雙溝西對大青山尾又南爲邊家山
又南爲土兒墩西至黃土山又南爲勝土寨墩大同右
衛界止爲垣七十二里拒狐堡制北石山墩北接右衛
勝土寨墩長城少凸而西爲界首南爲半坡墩長城少
凸而西東直拒狐堡又南爲鎮河墩又南有小關又南
爲王石匠墩有河西對尖山又西爲界牌梁東少南直
威遠衛城又南爲營盤山墩長城少凸而西拒狐堡界
止爲垣十二里威遠衛制并濠墩北接拒狐堡營盤山

墩西直大團山爲界首南爲沙嶺又南爲小關又南爲
大營盤山長城凸而西又南爲劉三河小大山沙溝西
直青山又南有關又南爲察溝又南爲雙山子長城少
凸而西又南爲雙察溝則少凸而東矣又南爲五箇寨
復凸而南又南爲周二河墩威遠堡界止爲垣一十六
里以上今右玉縣右衛邊牆今與雲石堡分管破虎
堡今隸助馬營以殘虎堡併入威遠城今隸平魯營
以拒孤威虎堡制堂子山墩北接威遠衛周二河爲界
首又南爲莊窩長城少凸而西東直威虎堡又南爲徐
四橫又南有大水口關又南爲大水口又南爲界牌梁
墩而直倚山威虎堡界止爲垣七里敗虎堡制大口子
墩爲界首北接威虎界牌梁墩又南爲紅石嘴長城凸
而西又南爲縵家堂子墩敗虎堡界止爲垣五里平魯

衛制呂公山墩爲界首北接破虎堡緱家堂子墩南爲緱家北山西直垣外青冢又南爲將軍溝西對舊巖又南爲營盤山又南有泉兒梁長城少凸而西西直李陵碑東直平魯衛城又南爲黃花山又南爲陡嘴子長城凸而西又南爲響水北山墩又南爲艾蒿溝少凸又南爲野豬溝少凹溝號極衝又南爲大水口又南爲勝山兒墩西對賊人嶺平魯衛界止爲垣一十里迎恩堡制余坡墩爲界首北接平魯衛勝山兒墩又南爲永安墩西直舊單于城又南爲樊家溝泉兒溝又南有小水口少凸又南爲黃土坡西對黃嶺又南厯二墩至鎮溝又南爲長勝墩迎恩堡界止爲垣七里阻虎堡制雙山墩爲界首北接迎恩堡長勝墩又南爲鶯梁山坡勢迤西

西直中平山東直阻虎堡又南爲鎮坡墩長城凸而西
阻虎堡界止爲垣三里井坪所制芍藥坡墩爲界首北
接阻虎堡鎮坡墩南爲長溝又南爲鐫嘴長城凸而西
西對西平山又南爲安甯墩長城勢西接巔嶺東直井
坪所城又南爲酸茨梁極衝又南爲鎮甯墩西直舊雲
內城井坪所界止爲垣七里滅虎堡制杜家莊窩墩爲
界首北接井坪所鎮甯墩南爲鎮川墩長城少凸東直
舊迎恩堡又南爲杜家北山長城少凸而東西對塞兒
嶺又南爲西莊窩又南爲雙碾墩有關並護關方垣滅
虎堡界止爲垣八里馬邑縣制北接井坪所滅虎堡界
雙碾兒墩爲界首南爲土溝子西直舊玉林城又南爲
井溝又南爲平宸長城少凸而西又南爲大南梁又南

平安墩微凸東直阻虎堡又南爲勝水又南爲舊寺兒墩微凸又南爲新寺兒墩又南爲寺懷墩西直三山由雙碾兒南以近豬兒窰故墩滋多也又南爲大溝南山墩西直舊雲川城又南爲豬兒窰極衝又南爲後溝沙嶺又南爲中溝沙嶺墩西直暖會口要道馬邑界止爲垣二十九里山陰縣制前溝沙嶺墩爲界首北接馬邑中溝沙嶺墩中溝前溝二沙嶺乃暖會口之衝也爲界首南爲大窰又南卽南沙溝長城凹而東中溝前溝南沙溝水勢遠不及兔毛河而其爲口外之徑一也又南爲姚洪窰微凸西直舊蘇武城又南爲王家莊窩又南爲北沙河墩微凸西直舊鎮魯城又南爲楊家北山墩又南爲楊家大溝又南爲碾兒莊窩墩微凸又南爲觀

音山墩又南有關又南爲西井溝又南爲曹家窰北山墩微凸山陰界止爲垣二十九里朔州衛制半坡墩北接山陰界曹家窰北山墩爲界首南爲曹家窰墩又南爲曹家山又南爲青楊林又南爲鎮靖墩西直神水湖又南爲黃草梁墩又南爲廟堂山墩微凸又南爲石會梁長城勢迤東又南爲柏楊林秀才林又南爲杏兒山西爲崖頭明時垣外品窖掘至崖頭止又南爲界牌梁又南爲響石溝又南爲碌軸墩西直舊東勝城又南爲石垛梁又南爲鎮夷墩又南爲大溝西對舊牛營兒又南爲樺林兒迤東之垣盡矣內邊垣始此又南爲了角山墩西對了角山長城勢復迤西朔州衛界止爲垣二十五里了角山墩乃大同山西二鎮之界也垣至東爲

南盡又南爲老營堡五眼井墩長城復折而西以上今平魯縣

城虎堡及馬邑分界之邊今併入阻虎堡其隸山陰朔州者今併入乃河堡長城自左雲拒

門堡起勢迤西南至右玉黃草梁墩全折而南又迤西

南至平魯之大水口堡又全折而南此朔平府長城之

大勢也黃草梁以南爲萊樹坡迤而西又南歷二墩至

雙溝此明山西防秋分土之界也由雙溝南至了角山

一百四十里地隸大同汎歸山西翁萬達疏自陽和靖

毛河止爲垣二百七里有奇敵臺六百二十有角山止爲

如之隘門一十有七自右衛兔毛河起至了角山止爲

垣一百九十二里有奇臺如之敵臺二百七十有五鋪

屋如之隘門六月城六靖營至右衛者役大同右衛至

了角者府境西北倚邊南障三關其東出之隘曰石佛寺口與大同

界有高山城汎曰大峪口與懷仁界有吳家窰汎皆在左雲

縣曰偏嶺口與安東衛巡檢司界為東南僻徑在右玉縣其
當朔州平魯之衝者曰劉家口舊有沙淨巡檢司今設汛為
南出之隘

方輿紀要偏嶺口在懷仁縣西南五十里右玉縣東南一百二十里安

東中屯衛在應州東北明洪熙初自朔州調置於此地隸應州

而孤懸於右玉懷仁界內

天下郡國利病書沙淨口在朔州北三十里明史地志有

司後暖會口在朔州西北七十里邊防考明初修邊東路起天成衛直抵朔州暖

會口通志下水角州西北八十里上水頭州西北九十里晉土坡通口外要道也

朔州志劉家口在州北三十里通朔平口外大路通志在州

北五十五里隸并州

舊通志石佛寺口在大同府西三十里左雲縣東一百

十里

水經注武州水所經也說詳山川考武州川山下

大峪口在懷仁縣西南

四十里左雲縣南六十里連吳家窰東山

水經注武州塞水所出也

詳山川考志云路廣可行車南通雁門西道右玉左雲諸城堡明時撫按擇地創城址不克立商販往來率由

峪口匪止大朔二郡也又云懷仁之大峪口高山堡在左雲之紅羊峪形勢相連行四峰山阻隘也

左雲縣東南六十里東至大同縣治亦六十里明天順

二年建嘉靖十四年改建周四里分駐守備一員

今改把總

隸助馬路

邊以內城堡之設防者威遠堡前明舊衛也今爲巡檢司在

右玉縣南曰井坪城曰乃河堡並在平魯縣南

方輿紀要威遠衛

大同府西

明初建正統三年增修城周

五里有奇分邊十五里有奇內大羊坡雙山兒小羊坡爲

最衝邊外泥河兒卽屬部駐牧處本城地勢平行寇入最

易嘉靖三十九年以雲內多故分設威遠路轄城堡四分
邊三十九里有奇東抵右衛西至平魯雖稱輔車然道路
隔越岡阜崎嶇不易拒守井坪城成化二十二年築隆慶
六年增修內屏雁代東障朔應爲西路之險舊爲朔州衛
守禦所今縣
平魯在縣南六十里乃河堡井坪西南五十里嘉靖四十五年築萬
厯初增修周一里有奇西去老營堡四十里嘉隆間寇由
此入犯掠代州崞縣諸處並兩鎮之利害所關也舊縣井
坪所後
歸老營縣今改入
永泉營地屬平魯

舊通志景泰六年瓦剌寇威遠諸衛定遠伯石彪敗之

磨兒山先是彪守備威遠元年敵圍土
城彪用礮擊死百餘人遁去天順四年八月

李來入自威遠衛遂抵雁門掠朔代忻崞宏治十三年

六月火節大入西路厯威遠左衛嘉靖五年八月小王

子入井坪中路參將李瑾合兵置陣先據荷葉山寇數衝突不動引去十一月復糾套部七萬餘騎由井坪入掠朔州九年秋俺荅由黃榆山入威遠十一年七月復出臘雞屯入十三年十月由芍藥坡入十九年八月革蘭台結俺荅吉囊山井坪入掠太原諸處十二月復由平魯井坪入掠朔應諸州二十年秋吉囊山平魯衛入四十五年參將崔世榮戰沒於樊皮嶺在威遠衛東隆慶元年俺荅分三道入井坪朔州老營諸處長驅而南四年犯威遠大同總兵馬芳兵至相持十餘日乃走

故戍在右玉縣境者馬營堡馬堡紅土堡黃土堡牛心堡雲陽堡舊隸大同中路威平堡祁河堡舊隸威遠路在左雲縣境者破魯堡滅魯堡雲岡堡雲西堡舊隸北西路三屯堡舊

隸中路在平魯境者滅虎堡舊隸井坪路其新城堡大柳樹堡蒼頭河堡薛家馬營堡王忠官屯堡淨水瓶堡並在右玉平番鎮堡黑龍池堡九姑城堡旱井堡西駱駝堡煖會堡並在朔州皆明初舊戍也

雲中志右衛新城堡在城南二十五里大柳樹堡城西

南三十里蒼頭河堡城西南五十里

三堡與牛心堡俱本衛屯軍所居

薛家馬營堡城北十里王忠官屯堡城南四十里

二堡並本

衛哨馬營

淨水瓶堡在威遠衛西北六十里

宣德中築陽朔和屯軍所居

州平番鎮堡在州北六十里永樂二年築黑龍池堡州

東北六十里旱井堡州西北九十里西駱駝堡州西北

一百里九姑城堡州西北九十里

俱本衛屯軍所居

暖會堡州

西北七十里永樂二年築

本衛哨馬營

右玉縣志馬營河堡縣北八里明萬厯元年建

方輿紀要有十

永口最衝邊外舊玉林城迤西即駐牧處

馬堡縣東三十里明嘉靖二十五

年建萬厯元年石包

方輿紀要分邊十里山前溝二紅道溝虎頭墩駝山雙溝子最衝

土堡縣南十五里明嘉靖三十七年建萬厯元年石包

黃土堡縣南三十里同時建修牛心堡縣東南四十五

里明嘉靖三十七年建隆慶六年石包

通志有牛心山孤峰插雲盤踞

教雲陽堡縣東六十五里明嘉靖三十七年建萬厯二

十四年塼包

方輿紀要西北二十里當破虎南北之衝

威平堡縣南七十里

明嘉靖四十五年建萬厯元年塼包

方輿紀要在威遠城西三十里堡近

腹裏威遠應援所係

祁河堡縣東南五十里明嘉靖四十一年建

萬厯年石包周二里

方輿紀要祁家河堡在威遠東南五十里西藩威遠東蔽左衛為往

來接濟之處

今俱裁併

左雲縣志破魯堡在助馬堡南二十里周三里明嘉靖

二十二年建方輿紀要舊為極衝自增建五堡滅魯堡

在破魯西十七里同時建周二里方輿紀要分邊四里

控保安諸堡內三屯堡在縣北十五里隆慶三年建萬

曆二年增修方輿紀要堡周不及一里分邊亦雲岡堡

東至大同西至高山各三十里邊防考有新舊二堡嘉

因築新堡於北崖移軍戍守仍存舊堡以便行旅二堡

各一里有奇東通鎮城西通左衛為雲西孔道新城既

築有險雲西堡東至高山西至左雲各三十里明嘉靖

三十七年建萬曆二十四年增包今俱裁併

平魯縣志滅虎堡明嘉靖二十三年建萬曆元年增包

周一里五分舊分管邊十三里五分方輿紀要第三堡

里王家莊楊家大溝俱兵衝甯邊河照壁山今裁併

黑石等處皆外境也隆慶中設小市於此

舊通志嘉靖三十六年俺荅入右衛攻毀七十餘堡三十七年正月圍右衛四月不解兵部尙書楊博出督軍務徵諸鎮兵聲言出塞北伐俺荅聞之引去

鄉堡附見於舊志者府屬凡一百六十餘處

兩鎮三關志右衛六十九堡威遠衛八十堡東花石張
雙山寨子草溝觀音堂張家新屯白指揮金
南山北花園梁信西張子小段子馬黃頭偏關
南花園梁信西張子小段子馬黃頭偏關
胡指揮馬連灘清兒李刺雞屯東西油房頭
大獅子八里莊張家屯綏東礮子頭老幼屯
破廟兒南祖古官人屯綏和土嶺駝山王家井
土城蕭州營破房白頭李泥溝家酸刺河善家石井
崔家馬營兒破房白頭李泥溝家酸刺河善家石井
曹旗破堡油房張頭十百戶營姜家寨子顧家都
官人高罕屯盤石嶺老牆匡秦和官宜陽都
以上善家溝三岔史家後所舖左衛二十八堡雲川
人善家溝三岔史家後所舖左衛二十八堡雲川
以上威遠衛榆樹溝並今右玉縣

[illegible]

津梁萬全橋廣義橋三邊橋馬營橋二道溝橋牛心堡橋陡溝橋在右玉縣三台橋在左雲縣太平橋宏濟橋會流橋普濟橋在平魯縣

朔平府志萬全河橋在殺虎堡西一里兔毛河上東西長五丈中設襄門九窰十八洞橋西頭各建塼樓明萬厯間修今半衝圯歸殺議略兔毛河水橋今存其半有徙橋在平地橋上有牆相傳為明時中外分界處明兵備張維樞修兔毛河橋議略云殺虎堡當西北極邊最稱要隘而兔毛河直通塞外波流洶湧勢奔力猛歲修歲潰此橋一取數百里之垣皆瑕今計修冲大水洞一孔東西小水洞十孔共用券石九百九十一丈四尺厯券壑錫等石三千三百六十八丈鋪底入地一丈鋪至十層共用底石三萬九千六百丈橋身用石條砌壘三十六層共一堵派軍夫千五百人百四十丈橋樓三間直北包塼牆一堵派軍夫千五百人百四十丈橋樓三石匠三百名併力興工經九月而成廣義橋在殺虎堡南門外三邊橋在殺虎堡南五里順治間建康熙間修

二道溝橋在府城北十二里雍正元年建牛心堡橋雍正八年建陡溝橋在牛心堡西康熙元年劉應詔建寡婦橋一在殺虎南六里一在牛心堡西康熙中婦田氏建又石橋二一在城南門內一在門外

左雲縣志三臺橋在縣東六十里高山堡西五里

平魯縣志太平橋在城西門內洞道明指揮燕瑛建康熙年

魯興重修乾隆道光時相繼修宏濟橋在縣

東門外會流橋在縣南關外普濟橋在井坪城南門外

附錄郡國利病書成化二十一年四月總督余子俊築

長城起大同中衛至偏頭六百里時子俊欲大築城增

堡而媒孽者以爲糜費旋止是年五月子俊言威遠至

相救且山西轉運必經之路宜於適中置所增城以通

警急乃置井坪所城調朔州軍百名爲十百戶而以諸

州土兵戍之
邊塞稱便

總督程鵬疏言大同自有五堡北邊少

事以特溝塹也今議自鎮邊堡而東至陽和後口鎮河
堡而西至老營堡鑿爲長塹其間山險不可鑿處不過
三十餘里量爲斬崖修牆鑿塹之勞省於築垣設險之
利同於禦寇又云自五堡以至老營堡皆要路也於斯
設險必難飛越 總督楊博右衛路通疏一議增墩臺
右衛至左衛一帶議每四里設墩一座猶恐其疏宜每
空再加二座大約每里許墩一座左衛至高山站觀右
衛爲稍衝每五里見有墩臺一座每空再加一座大約
二里半墩一座高山站至鎮城觀右衛爲稍緩原無墩
臺每五里墩一座侯牛心山等堡并墩臺完日繼理其
中路草溝堡官人屯梁家店祁家河北花園馬道口六

處西路小村兒一處應添墩臺並沿邊牆塹照原議
楊鼎大同事宜疏山西新設威遠衛與大同相鄰右衛
三面幾四百里威遠三面僅六里難以種牧宜以鄰近
大同右玉林二衛餘里內西南各撥二十里東北各撥
十五里給威遠軍種牧 萬泰疏自平魯而西至於老
營乃河一帶絕無人煙則雁門關之道路遂塞陽方口
之門戶大開老營堡糧草不通野豬溝之邊患日逼先
年邊報由大同左右衛及威遠威遠及平魯平魯及乃
河乃河及老營頃刻可到防禦易施今烽火不能自東
經西必自北樓迂道請自老營東二十里爲買圪坨又
東二十里爲乃河又東二十里爲顧家店又東二十里
爲平魯衛修舉廢堡每堡屯軍五百人每五里爲一墩

太學陳善免毛河設險議免毛河在右衛之北直出境外邊塞溪谷與寇通水者固多然小之可資城塞於梁而道水出入暗門是也大之可墩隨其曲折而置守於山敵壘是也免毛之水派流平漫中難爲資涯潴土塹旁難爲墩故守者病之間嘗計曰岸築高墉與長城等隨水曲折長數里河流寬不百步而兩岸乘墉者以火石犖之無不守之理矣 韓應元雲西地圖說天下大鎮有九而大同最爲要衝大同爲道有四而雲西尤爲要衝蓋當迅掃煙塵圖求久遠明初代元於此特設巨鎮北控沙漠南障幽冀據天下上游而諸衛所因以次開設考之載籍洪武二十三年始於大同西南一百二十里建左衛一城於左衛西北七十里建右衛一城

自東勝失守雲川玉林等衛內徙則西北一帶邊患此獨當之矣正統以後敵勢日強乃又於左衛正西六十里建威遠一城天順中於左衛大同中界建高山城四城相距不遠百里互爲聲援此雲西一路之所防也嘉靖二十三年總兵周諱尙文者憂應援之計又不足恃乃刻意守險增築破魯滅魯甯魯威魯四堡皆在左衛之東北又增破虎殘虎殺虎威虎四堡皆在右衛之左右二十四年建設助馬拒門二堡是於諸堡之外又增一藩籬也二十五年添建保安馬堡二堡內密之防又增一屏障也外守長邊內固衛堡星羅棋布之勢成北邊百餘年來不敢南向長驅者誠以此思患詳防守密也自此迨尙文沒俺酋遂爾無忌大肆憑陵兼以逆賊

趙全周源宋錦邱富李自馨等叛入敵巢每以子女玉帛欲給俺酋俺酋入其謀動擁數萬騎攻陷城堡期於必克恣掠漢財以滿溪壑復於豐州故境營聚部落號板升以誘處我逋逃遇入寇則趙全統之爲先驅蓋欲以內攻外而彼得以休息自是邊氓復不堪命矣二十一年廟議乃移副總兵於左衛統奇兵三千以備之三十六年全勸俺酋以大衆圍取右衛俺酋遂移穹廬屯城南以示久意遊騎四掠百里之外無復行旅凡歷數月內外懸絕岌岌殆矣賴我世皇明聖納諫臣言勅起兵部尙書楊公於居廬而先命左侍郎江公任總督事調山西宣大之兵咸聚於左衛江公筮日禡祭躬率諸將耀兵冒雨直薄敵營敵震恐不敢與戰解圍遁去數萬

生靈始獲更生捷聞召江公還楊公卽奉命經略其地
城左右衛之間者曰雲岡曰雲西曰雲陽曰牛心曰黃
牛曰紅土沿途則每二里許置一墩外設長濠以防零
騎侵掠奏請添駐兵備憲臣一員與副總兵同駐右衛
整飭兵餉戰守諸務於是法紀昭布形勝增雄戰守有
據而邊患少戢矣三十八年則增築祁家河堡於威遠
之東隆慶元年則增築威平堡於威遠之西南三年又
增築三屯堡於左衛之北而馬營河堡則萬厯元年之
增築也宿兵置守一如諸堡之例總計雲西一道所轄
城堡共二十有八邊垣共二百五十三里近看得各城
惟右衛砌以石左威二城砌以甃餘皆土壁且卑而薄
不堪保障向者與敵日追逐於疆場間固未遑議此今

值諸酋款貢實有間暇可乘已將右衛二城鼎新高堅仍砌以甃其餘各堡或石或甃並所屬邊垣自某處起至某處止亦俱增修過半惟左衛爲費頗鉅已經籌計於來歲肇工竣事而待也其助馬甯魯殺虎雲石四堡則各有市口一區焉夫雲西一道始惟三城耳自明之初迄今幾三百年而增至二十八者良以馭夷之道守禦爲先也隨時觀變以伐奸謀守邊者之長計也然嘗考之地志右衛之境西距豐州僅三百里自俺酋強逆而此地密與之鄰彼未必不視爲目中兔也戊午之役論者謂使王師旬日不至則右衛必不支而全鎮將不知所終矣其關係天下豈小哉厥後把漢之降雖自平魯之邊而請通貢貢使往來皆經於此實以逼近故耳

故謂雲西特爲大同要衝者非誣也方今天威廟筭臣服北邊貢琛獻表比於諸藩萬世治安固在是矣然萬一逸人或改圖則此地必先受敵其勢然也是可不加之意乎綢繆牖戶之謀城復於隍之驚誠有一日不可弛者備雲西所以備全鎮備全鎮所以備天下也非乎然計阨塞稽遠近審形勢匪圖莫彰謹繪圖如右而備述其建置經畫之跡於右以俟經國君子有考焉

謹案府屬三縣臨邊獨朔州居腹明代建衛與馬邑懷仁並隸大同皆分管邊

國朝衛所旣裁歸平魯馬邑亦改縣爲鄉其軍事則州隸甯武鄉隸山陰內外二邊均無所屬茲就其山川形勢及城邑所在略以桑乾河爲限凡河以北界連

懷雲皆古武州塞也附於大邊河以南界連甯雁皆古勾注塞也統於內邊渾應以東悉準斯例

右朔平邊

內外邊皆統於大同鎮其在殺虎口東而與鎮城相直者曰得勝口在大同縣北八十里豐鎮廳南二十里古通漠道也前明以內邊屬山西外邊屬大同三關以北分爲八路轄以四道而駐分巡道於此設市場號北東路以興助馬同爲北路故以東西別也今晉裁併惟稱得勝路有堡與拒牆鎮川鎮邊諸堡相屬其隘曰孤山灣在縣境曰三台道在廳境邊牆自此迤東懸陽高天鎮直抵宣府北出之道在東西兩口間者稱爲次衝

新唐書李勣傳貞觀三年爲通漠道行軍總管出雲中與

突厥戰走之前屯磧口

隋圖經雲中城北去白道八十里南去通漠長城百里案其時勦焉

并州刺史六總管中惟與李靖先會於白道靖出定襄在朔平故知通漠道在大同北矣

通鑑永隆二年裴行儉討突厥叛部遣將一出石地一出

通漠道

天下郡國利病書東路參將駐天城城轄九城堡

陽和天

瓦寨守口永嘉

鎮門鎮口鎮新平路參將駐本堡轄四堡

新平平遠並保平平遠門並

陽和道所屬

駐陽和

北東路參將駐得勝堡轄八堡

鎮得勝

宏賜鎮川鎮邊

鎮遠鎮河拒港分巡道所屬

駐得勝堡北西路參將駐助馬堡

轄九堡

助馬拒港門政魯威魯甯

中路參將駐右衛轄十三

城堡

左衛右衛雲陽紅土黃土三屯馬堡

威遠路參將駐本

城轄五城堡

威遠雲石威並大同道所屬

駐左西路參將

駐平魯城轄四城堡

平魯迎恩

井坪路參將駐本城轄十

城堡

北坪乃河減營將軍會朔州馬邑山陰應州懷仁西安

並分守道所屬

即冀北道初駐

鎮城後移朔州

方輿紀要得勝堡府北五十里

通志舊為紅寺堡距府五十里後改名紅賜又移今

地在府北

嘉靖二十二年置萬厯二年增修周三里有奇

邊防考嘉靖十八年設兵備使者駐宏賜堡轄堡八分邊

東起東路之靖魯堡至北路拒門堡長九十六里零三十

三年移駐於此是為大同北東路蓋直北之極邊而鎮城

之外郭也堡西即鎮羌堡為唇齒之勢隆慶五年馬市成

詔設市於威魯堡俺酋以威魯無水改市得勝堡即此

堡分邊二十二里鎮魯堡分邊二十九里今俱併入

拒牆堡在得勝西北二十里嘉

靖二十四年置萬厯二年增修周一里有奇分邊十三里

零內蘆草堡破虎墩為最衝而鎮夷墩驚架墩次之邊外

有大蟲嶺諸處邊防考堡城挺出邊外衝要不下鎮羌而

孤危過之

府志堡在城北少西八十里彌陀山南今設官兵防守

鎮川堡在宏賜堡

東二十里嘉靖十八年置萬厯十年增修周二里有奇分

邊二十里零內魏家灣黑石頭溝鎮山店最衝邊外威甯

海南北二岸卽駐牧處地勢平衍嘉隆中常爲敵衝云

府志

堡在城東北十五里水頭前東今設官兵防守鎮邊堡在得勝東嘉靖十八年改

民堡置戍守萬厯十一年增修周二里有奇分邊二十一

里零內白石崖舊十墩俱最衝邊外海子東岸孤山腰大

山一帶俱駐牧東有採掠山

府志堡在城北少東八十里洞子溝稍西地名南車房今

設官兵防守

大同縣志孤山灣城北四十里通得勝鎮川要路今設

汛

豐鎮廳志三台道在廳治南七八里高坡叢石路徑險

仄中通一溝爲得勝口出入要路今設汛

府志其左有村名焦山尾

明嘉靖間大同叛卒

亡出塞退保焦山

大同府志大同縣界長城東起鎮川堡西至拒牆堡

延長

九十七里有重垣

舊通志明嘉靖三年巡撫張文錦議於紅寺驢圈窰山

墩水盡頭沙河堡設屯戍而文錦用法素深標下郭鑑

等遂殺參將賈鑑叛出塞營於焦山及撫之還城又害

文錦水口諸堡悉廢後總督毛伯溫行邊至鎮條上事

宜於是巡撫史道總兵梁震同規度以洞子溝地險移

置稍西名鎮邊堡水頭地僻移置稍東名鎮川堡沙河

地沮洳移置河南名鎮河堡紅寺仍舊改名宏賜又於

宏賜西置鎮魯堡號曰北路置分守參將駐宏賜堡諸堡留守備募人輟田爲軍翁詩達乞錄毛伯溫疏五堡爲雲中腹背之地北通沙漠南翼鎮城東互陽和四連左衛三面開耕一面禦敵嘉靖十五年八月俺荅由紅寺入口遂掠渾源靈邱十九年七月山宏賜東口入掠至靈邱復山宏賜東口而出明年五月俺荅再入雲中公道將斬九十級會寇數騎潛入邊即史胡宗憲夜趣總兵張達擊賊達謂寇有伏夜出不利請待旦御史曰若欲汗吾白簡耶達不得已以二百騎夜至紅寺堡寇大入圍之數重達與副將林椿皆死焉公在陽和去敗所二百餘里起發三十一一年三月平虜大將軍仇鸞出兵往救至則無及

師鎮川堡至貓兒莊遇伏士卒死傷二百餘人三十八年俺荅自鎮川堡入轉掠東西二城三十九年總兵劉漢白河口出塞搗寇於灰河

陽和口又名守口在陽高西北十五里後口在豐鎮廳東南

百三十里世以爲古青坡道實卽高柳塞也秦漢代郡皆治
今縣故邊備自昔爲重前明建衛駐道以地介宜大設總督
驛衛城居中控御沿邊隘口悉設防戍今裁併惟存守口鎮
門及鎮宏三堡隸新平路爲僻徑

方輿紀要高柳城在大同府東南九十里

案出塞圖云平城直東行百二

十里至高柳城與今府城至陽高縣里正

相符縣在府東稍北不當云在東南也

漢縣屬代郡西

部都尉治此後漢建武九年吳漢等擊盧芳將賈覽於高

柳敗績十五年盧芳自匈奴入居高柳騎都尉張堪擊破

之二十一年馬援出高柳擊烏桓

烏桓傳云五載關燕平五年遣

夏育出高柳分道擊鮮卑敗績晉太元十一年魏叛將劉

顯等奉故什翼健少子窟咄逼魏主珪屯高柳珪求救於

慕容皝垂子麟與珪會兵擊窟咄大破之水經注高柳故

城在代中連山隱隱東出遼塞

案注云顧門水東南流逕高柳故城北秦始皇虜趙

十遂以國爲郡是秦代郡已治高柳矣雁門水今守口河出陽和後口

杜佑曰高柳在雲中

縣境後漢爲代郡治

大同府志高柳塞在陽高縣北十里爲今開山口攝風崖迤北地卽唐青

破道所以東應帷臺嶺北傾威甯海彈汗山兩西控青破平城之曠野也案此則今縣山前山後皆爲古塞

青破

道在府東北新唐書雲州雲中縣有陰山道青破道皆出

兵路也遼志長青縣有青破梁元帝橫吹曲所云朝跋青

破梁是矣名勝志在平城東南四十里似誤

案冀州圖青破道自平城

東南四十里經白登山至陽門口其道始達志實誤而青破亦未可定爲此地陽和衛嘉靖二十

六年設兵備使者於此帟衛四堡七分邊九十六里有奇

爲大同東路隨地皆邊向稱衝要

案衛在唐守口堡在衛爲荷塞軍

西北十五里嘉靖二十五年置隆慶六年增修周一里有

奇分邊十二里零邊外威甯海子諸處卽屬部駐牧堡爲

陽和之肩背隆慶初寇從此入犯全鎮告急後徙市於此

防禦要地

案通志縣北有威甯口當即守口然威甯故縣在豐鎮東北察哈爾界其海子在豐鎮西北甯

遠應境皆

去此遠鎮門堡在守口東四十里嘉靖二十六年置隆

慶六年增修周一里有奇分邊十三里零內大小鴉鴿峪

極衝邊外鵝溝等處為駐牧嘉靖二十三年俺荅犯鐵裏

門鴉鴿峪二十四年又由小鴉鴿突犯

府志堡北至邊牆半里即鐵裏門門

西為小鴉鴿峪口東為大鴉鴿峪口

大同府志陽高縣長城東起鎮門堡西至鎮安堡新黑

石墩

延長九十里奇

陽和前口之東北二十里有將軍口又

東二十里為陽和後口又有白堦峪小口在縣東北十

五里其東十五里為白堦峪大口

案即大小鴉鴿峪

又虎峪口

在縣東北二十里又開山口一名墨谷口金元帥奧屯

襄出軍於此元史作密谷口

案志於大同下云開山口在城東北四十里東通陽

高義與金之墨谷當是一地時金兵來拔西京也特守口俗亦名開山口以陽河出此又名陽河口土人呼河

如和遂認爲陽和明人因以名衛今陽河又書作洋

豐鎮廳志乾柴洞西北距廳治百里清涼嶺西距廳治

百三十里並在守口邊外慈老壩西北距廳治百八十

里南直鐵襄門石入口在鎮門口外少東今名石大人

舊通志明正統十四年七月也先入命西甯侯宋瑛充

總兵官鎮守大同朱竄石亨禦之時中官郭敬監軍諸

將皆受制戰陽和全軍沒敬伏草間免瑛及冕皆死石

亨戰陽和後口敗績行都司許貴力戰得出嘉靖十五

年俺荅由陽和瓦窰水峪鐵襄門入二十四年總督翁

萬達自朔州移府陽和曰鐵襄門水峪口鶻鵠峪非得

勇將守之不可增設鐵裹門諸隘成兵八月萬達遣故
總兵張達將左部儒士尹秉衡生員張霆佐之援鐵裹
門俺荅果至秉衡挽強弓射卻之攻盡日益力戰多發
毒火礮秉衡善裏箭箭長尺許發以竹筒剽疾而深入
中人騎皆沒羽寇卽得箭箭短不及絃無能反也相駭
以爲神乃去又萬達遣故參將張鳳將右部薦送王邦
直生員成諧佐之勇士王國順王國臣千戶李瓚劉欽
李尙倫爲之鋒援鶻鵠峪寇攻鐵裹門不得入益合衆
攻鶻鵠峪鳳邦直亦射卻之寇益合成諧曰若寇繞山
下絕汲道是坐困也躍馬前鳳等不得已繼進分衆結
方陣拒之斃其酋寇謀解去已而憤曰南軍不數百我
軍數萬乃益合鳳死之邦直等衝突十餘陣殺傷寇五

六百人皆力戰死寇舉邦直大刀發嘆之每食必祭曰

大刀那顏云

外邊至新平路爲馬市口在天鎮縣東北六十三里古琦城
川今西洋河水口也因前明設市而名邊牆自守口沿山麓
而東至陽門口折北踰峻嶺以達於新平堡爲縣之北川邊
外鄰豐川營在豐鎮廳之極東南連瓦窰口通縣城而東絕
洋河入直隸懷安縣境爲宣大分邊之界

水經注延鄉水出西山東徑延陵縣北俗指謂之琦城又

雁門水東北入陽門山謂之陽門水

天鎮縣志延陵縣在新平陽門山在縣東

冀州圖經白登山南東迴二十里出渴鉢口更北行六十

里至陽門口

案渴鉢口疑卽鷓鴣塢地望頗相符也

方輿紀要新平堡明嘉靖二十五年置隆慶六年增修周

三里有奇分邊十八里內水泉兒溝榆林川爲極衝邊外
小石城榆林舊縣俱駐牧堡建山後東接宣府西陽河南
接瓦寨溝天成衛嘉靖中屢爲寇衝歸欵後設市口於此
亦要地也邊防考大同東路舊邊自鎮甯堡縮而南與宣
鎮李信屯相聯不惟邊垣迂遠且皆架堆及嘉靖二十五
年展拓而北與宣鎮西陽河相接境土益闕乃就東路分
駐新平路參將轄堡四分邊四十六里零本路孤懸口外
備禦最切邊外有榆林舊縣距新平山數十里遺址猶存
議者謂宜恢復以壯肩背之勢天鎮縣志新平之北與金甯之寨堡偶與勝州之縣同名明人不考遂以古縣當之瓦寨口堡嘉靖三十年築隆
慶六年增修周一里有奇分邊七里內東煙墩極衝嘉靖
中寇由宣府膳房堡入由此堡出邊防考堡當咽喉爲新

平孔道有崑谷門可以設伏儻新平疏虞此猶可控拒也
天鎮縣志馬市口在新平堡西北三里今新平路千總
駐守明史韃靼傳嘉靖中仇鸞用事議開馬市以中敵
明年春以侍郎史道莅其事開市大同此其始也郡國
利病書云平遠堡新平堡係一處大市場每年一市則
在萬厯中黃台吉受封通貢市後矣瓦剌口在縣北三
十里今天城營外委駐守邊牆東自平遠堡界起西北
至樺門堡界止沿長四十三里五分共墩臺七十三座
隸馬市口汛轄又自樺門頭墩起西至鎮門堡二十二
墩止沿長三十三里六分共墩臺六十一座隸瓦剌口
汛轄凡邊口要隘悉建堡無堡者築石牆或重垣撥兵
防守今惟二口駐有營弁餘皆閉塞有白陽口在縣北

少西三十里

亦作白羊

報磨口在縣西北三十里水磨口在

縣西北四十里薰窖口在縣北四十里

東北有張仲溝李兒溝並當長

城折西

南邊口在新平堡西南至縣六十里

瓦窖口之北口也

正九年與平遠堡並曾設防兵

大同府志天鎮縣長城東起東界牌墩西至駱駝巖墩

延長一百八里

舊通志嘉靖二十九年俺荅營野馬川尅日戰陽和總

兵馬芳禦之新平度寇且遁急乘之斬級甚多衆方賀

芳遠策馬守險而身斷後頃之寇果廢至芳戰益力寇

乃去隆慶中俺荅大入掠山陰懷仁應州將吏並獲罪

獨新平堡參將麻貴與兄副將錦拒戰有功受賞萬厯

二年黃台吉改貢市於新平堡

邊牆在府境者延長二百九十四里

舊通志明時大同鎮自天城衛東界牌墩起至右衛孔家溝墩止爲自東而西之垣自孔家溝南黃草梁墩起屬山西鎮汎自孔家溝南至朔州轄修理墩務內了角墩爲自南而北之垣自了角墩西老營堡五眼井墩起至偏頭關小莊窩墩止又爲自東而西之垣自小莊窩西南老牛灣墩起至卻胡墩止又爲自南而北之垣凡山西鎮界垣二百五十五里其餘晉大同鎮界也大同屬大同府左衛右衛威遠平勝天城陽和朔州寧州所七井坪廣靈渾源懷仁靈邱山陰馬邑惟朔州安東中屯衛及廣靈渾源靈邱三所不皆邊山西三關偏頭關邊關河曲縣舊通志明長城制東陽河堡制東界牌墩爲界首接宣府西陽河石梁墩乃宣大兩鎮之界也又西爲井溝墩

又西爲斷溝墩又西爲大溝又西爲黃草坡墩又西爲紅山墩又西爲斷溝東墩直黃窩坡口又西爲寬溝西墩西有敵臺直陽河南平定墩又西爲尖山墩又西爲深溝墩北對口外尖山又西爲馬道溝墩又西爲雙山東西墩南直陽河南東陽河堡又西爲乾柴四墩南直陽河南董家莊董家莊南東紅沙巖西石壑子背有墩又西爲乾柴山二墩又西爲乾柴大墩東陽河堡界止爲垣二十三里

案東陽河堡今屬直隸

新平堡制犁牛兒東西墩

接東陽河乾柴大墩爲界首又西爲花豹溝西有敵臺又西爲平房二墩北對雙山兒墩又西爲木瓜墩長城折而南南直陽河南新平堡新平堡東南有銀山墩銀山東有塹距山西有塹二距山銀山東南又有望遠墩

木瓜墩又西南爲駝山墩又西南爲平虜西墩陽河之水由垣暗門入河南有甯朔墩南有保平堡又西南爲折腰墩又西南爲長城墩又西南爲北乾水東墩長城復折而西又西爲乾水二墩北直陽河外舊集甯海又西爲北坡南有二郎山又西爲大水口又西爲鼠尾牆西有敵臺北直舊榆林又西爲雙溝兒三墩北直陽河源又西爲鴉兒崖北直小青山又西爲古路三墩南直枳兒嶺又西爲石門垣內有歡喜梁又西爲沙圪塔北直沙嶺又西爲琵琶嘴又西爲牆頭墩新平堡界止爲垣一十三里天城衛制暗窩梁東接牆頭墩爲界首西爲土關兒頭又西爲大小鹿角溝又西爲雙圪塔二墩又西爲雙壕又西爲紅沙巖垣內有西土地巖又西爲

大小鹿角溝又西爲水頭北對高山墩又西爲黑圪塔
垣內有得勝墩又西爲井溝梁又西爲大小梁巖北直
水峪山又西爲王展溝又西爲歡喜梁犁兒坡南直福
祿山又西爲鴿子崖北直鄧草站又西爲小深巖又西
爲大深巖北直舊集甯城垣內少西南有瓦窰又西爲
火燒溝北直清涼寺又西爲南坡垣內有界牌前後墩
又西爲斧刃山又西爲伏路巖又西爲盤道梁又西爲
鷄窩梁又西爲龍虎溝長城折而少南又西爲水磨口
舊墩復折而西南直鎮口堡又西爲水磨口新墩水磨
口新舊墩中有關關外自趙三溝起至石家梁止又有
重牆暗門自水磨墩起至不懺溝墩長城外有塹又西
爲鹿角溝北直威甯海子又西爲塽磨口又西爲大節

溝榆林溝北直寨子山又西爲水峪口北直蘆華溝又
 西爲日流溝李官人溝石碣溝酸流溝北直水峪後口
 又西爲窰兒溝又西爲駱駝巖墩天城界止爲垣七十
 二里以上今天鎮縣新平堡汛嘉靖二十五年宣
 也始大並築長城議自高山口遵山麓而東至水磨口又
 至李信屯以與宣府接壤雖土地平坦易城而界西陽
 河於外宣府都御史孫錦曰是棄西陽也堡中生齒數
 千家膏腴地且千頃若之何其棄之然使大同邊北出
 不界西陽河於外則山險中斷應我之不便大同爭之持
 議不決四月總督翁萬達曰地不可棄兵必有援得宣
 府疆域而置大同戍卒於絕地是不恤大同也便大同
 應援而置宣府西陽河於境外是不恤宣府也若地徇
 宣府兵便大同是爲兩得乃修邊白水磨口而東北踰
 山至馬頭兒地又度滿而北至宣府鎮口臺邊戍屬之
 大同而以應援資之宣府善令曰居常戍不備罪大同
 有警而宣府西路不以兵至牆下應援者罪宣府議乃
 定陽和衛制不愆溝墩東接天城駱駝巖爲界首又西
 爲鴈窩崖又西爲鶉鴿東西墩北寺兒溝墩又西爲扒

兒口北接鐵裹門池南直鎮門堡又西爲小鵝鴿口石
人口北直中分嶺又西爲古巖垣凸而北北對蘆草溝
又西爲神峪又西爲馬家溝孤山廟溝又西爲大石山
北直九州嶺又西爲雙窖溝雙巖溝又西爲黑石山又
西爲天蓬溝寬溝麻黃溝又西爲白石崖北直陽和後
口又西爲乾溝北對虎隆溝又西爲寺兒溝陡溝又西
爲營盤溝南直守口河南陽和衛城又西爲蘆葦溝北
直石人兒寺兒溝以西石山側胥溝也又西爲黃石崖
又西爲高長城垣凸而北又西爲楊溝又西爲東山北
直大峪口自陽高東山起至大同鎮溝十五墩止胥有
壑又西爲鎮口鎮河墩垣外河由二墩間入經守口堡
東南流爲陽和十里河鎮河墩南直守口堡北附長城

又有堡又西爲碾兒土溝北對天蓬溝又西爲長城水口又西爲尖山兒墩北對雙樹梁墩三山墩陽和城界止爲垣四十里靖魯堡制鎮魯墩北直旋風梁東接陽和尖山墩爲界首又西爲鎮虎墩長城址南有土溝二北直南山墩又西爲宋家溝東土溝一西土溝二胥在長城址南又西爲鵬窩崖北直口外黑山又西爲莊兒溝碾兒溝紅土溝凡三胥在長城址南紅土溝南直靖魯堡又西爲土關兒長城址南有土溝一北直平土山又西爲北車房西有小關三歧道北出北直碾兒溝又西爲水泉兒長城址南有土溝一北有望海墩又西爲定遠墩北通將軍口又西爲沙溝垣內有土溝又西爲新舊界石墩北直大尖山長城址南有土溝二靖魯堡

界止爲垣二十七里以上今陽高縣陽和縣鎮門汛靖
督羅鵬言大同自有五堡北邊少事五堡以東直抵陽
和五堡以西直抵老營欲於其地通鑿長壑遇有山石
則砌石爲垣斬崖成險計鎮邊堡至陽和後口三十餘
里相應鑿壑深闊以二丈爲式二十五年總督翁萬達
疏大同陽和以西至山西了角山鑿壑添墩少有大第
然陽和開山口以東原未設險拒守不便其大小鴉鴿
峪鐵裏門水峪瓦窰等口舊惟斷塞山口小阻零抄若
遇稍輒必難止衝讓自陽和山口起宣府西陽河鎮口
臺止爲垣九十五里有奇內外壑二皆如之敵臺一百
五十四高闊以三丈收頂以九尺外壑深闊一丈收底
以五尺敵臺闊視垣加鎮邊堡制鎮邊一墩長城上有
二丈高視垣加五尺 鎮邊堡制鎮邊一墩長城上有
臺東接陽和靖魯堡新界石墩爲界首又西爲三墩北
對關子溝又西爲四墩北直關兒溝又西爲七墩南直
聚樂城長城址南有土溝又西爲九墩北直洞子溝又
西爲十二墩北直舊榆溝又西爲十六墩鎮邊堡界止
爲垣十里鎮川堡制鎮川一墩接鎮邊十六墩爲界首

由鎮川東垣外無塹由鎮川西垣爲重垣自鎮川一墩起至助馬堡保安堡止又西爲鎮川五墩西北直新榆溝自新榆溝西垣外胥有墩又西爲鎮川西墩北乃漫坡也墩北有黃土溝墩南長城址有豎土溝又西爲八墩北對平灘又西有小關又西爲九墩北直大鹽窰舊鹽窰南直鎮川堡又西爲土溝二又西爲十一墩北直尖山又西爲十二墩北卽小鹽窰也又西爲十四墩北土塘山又西爲十五墩北直榆溝門南直鎮川堡河源榆溝門以西胥溝也自此至保安堡重垣內胥有塹又西爲十九墩北直牛心山山左右胥榆溝也鎮川堡界止爲垣二十五里宏賜堡制宏賜一墩接鎮川十九墩爲界首又西爲三墩四墩泉山二墩間三暗門入垣外

榆溝十墩至宏賜四墩止又西爲六墩北直壺盧海又
西爲七墩壺盧海水由二墩間暗門入卽如渾河之源
鎮川堡水所匯也又西有鎮羌堡在垣之外重垣之內
北對三山焦山自鎮羌堡西至左衛甯魯堡大卯條墩
胥有堑又西爲八墩垣外水口六墩自此始水口墩南
又有月牙六墩又西爲十墩北直九十九泉明有議事
臺南直宏賜堡宏賜堡又南直孤山又南直河外大同
鎮城又西爲十二墩北對柳河尖山又西爲十三墩北
直野門口垣外八墩自此始又南爲十五墩南直
河南雷公山宏賜堡界止爲垣二十二里鎮魯堡制鎮
魯一墩北直石關嶺東接宏賜十五墩鎮魯堡界首又
西爲三墩北有黑山兒墩又西爲四墩北直周家嶺垣

內有土溝又西爲六墩北直水泉兒南直河南鎮魯堡
又西爲七墩有小關北直石泉又西長城址南北胥有
土溝又西爲九墩十墩十一墩胥有土溝十墩北有長
坡垣暨重垣勢脊凸而北十一墩北卽拒牆堡也在垣
之外重垣之內又西爲十三十四墩二墩中有雙溝入
暗門北直平山又西爲十五十六墩北有深溝南直河
外左雲石佛寺堡卽石佛口也又西爲十八墩北直羅
村北山又西爲十九墩北直水泉營又西爲二十墩鎮
魯堡界止爲垣二十九里鎮河堡制鎮河一墩北直黑
山東接鎮魯二十墩鎮河堡界首又西爲三墩垣內有
土溝又西爲四墩北直羅村西山垣形迤向西南墩左
右有雙土溝水口又西爲七墩北卽拒門堡也在垣之

外重垣之內有關又西爲八墩有小關又西爲十墩左
右胥有土溝北直沙溝南直鎮河堡又西爲十三墩有
護墩垣北對小沙溝又西爲十六墩有小關鎮河堡界
止爲垣二十一里以上今大同縣鎮邊隸鎮川汛宏賜
鎮魯鎮羌隸得勝汛鎮河隸拒牆汛
邊內自府以南平行無阻其鎮戍有岱岳巡司在山陰界府
西卽武州塞也與朔平府屬之懷仁共險有安東衛巡司
在應州界其東山之隘曰牛皮關西距大同縣六十里隸聚
樂堡口枳兒嶺西距天鎮四十里與懷安界皆衝途也曰白
登山西北距陽高二十里有汎日東井集北距白登六十里
有營則僻徑也

隋志朔州雲內縣有武州山

唐志雲州雲中縣東有牛皮關

金志白登縣本名長青有白登山

舊通志白登堡明永樂九年築乃白登縣遺址

有大白登小白登南有白登河前後堡多茂林案白登堡在府城東為漢高祖被圍處非此

大同府志岱岳鎮在山陰縣北三十里安東衛在應州

西一百四十里並設巡檢司聚落堡府東六十里設官

兵防守明天順二年以鎮城孤峙旁無輔衛乃東城聚

落西城高山為左右兩翼高山今隸朔平牛皮嶺在採

掠山之南聚樂之西南連土坡中通仄徑即古牛皮關

址今於此分汎白登山在陽高縣東南二十五里設汎

兵防守東井集縣東八十里通直隸西甯今駐千總枳兒嶺

在天鎮縣東接直隸宣化府懷安驛路兩縣交界處中

立石限土分二色設頭梁二梁汎兵又大梁在縣東北四十里懸崖峭壁

險峻雁門係通新平要路亦設汎懷仁縣西南有大峪縣西南四十里即吳家口也見

前小峪縣西南二十里大峪口東蘆子縣西南十五里蘆子山鵝毛縣西北四

口通左雲右玉志又有炭嶺口吳道口馬什嶺口陳家

西北四十里連七峰山案山在大同縣境與大同西四

十里之黑峪口三十里之石佛寺口十里之煤峪口毗

連又北則雷公山彌陀山矣皆古

武州塞今惟石佛寺大峪設汛

舊通志金衛紹王大安二年八月行省千家奴完顏胡

沙虎至烏沙堡未及設備元兵掩至拔烏沙堡乘勝破

白登遂攻西京凡七日胡沙虎懼以麾下乘城突圍逃

去元以精騎三千馳之金兵大敗遂取西京及桓撫州

貞祐四年西京副統程瑑募集壯士二萬復取渾源白

登駐師宏州宏州今西甯縣明順聖西城也明洪武七年正月李文忠

駐代縣分遣諸將北發指揮景出自登敗冠軍擒其國

公索羅帖木兒成化十九年秋亦思馬因復入掠左參

將劉甯將兵二千遇之聚樂站西連戰敗之復敗之白
登柳林又追敗之小鵝鴿峪嘉靖十二年十月總督劉
源清駐聚樂堡討叛兵十三年正月吉囊青台吉援叛
兵源清戰不利二十四年八月吉囊入鵝鴿峪南至陽
和川總督翁萬達自督諸軍出陣而遣勁騎伏白登村
檄總兵周尙文曰急提兵自二邊遮其歸路是日寇置
陣萬達令開壁門中軍振鼓作樂不之顧而潛伏死士
於兩腋令曰寇叩壁檄發兩翼橫衝斷之左翼拒外右
翼拒內又偃諸檄及毒火銃數重於壁門寇乃移陣還
兩翼追之幾造其壘周尙文得檄馳至陽和山後計曰
此去陽和六十里夜不可進須曉發恐不及寇連戰疲
矣可先聲懼之乃令喊於軍者三時靜夜風猛聲聞山

前四鼓寇拔營遁兵追出塞不及而還陽和禾畜胥無遺失

故戍在大同境者鎮河鎮魯鎮羌宏賜四堡舊隸北東路在天鎮境者鎮口鎮甯永嘉三堡舊隸東路平遠保平樺門三堡舊隸新平路其明初屯軍所居長安神泉漫流三堡屬大同上畔莊米新關長勝三堡屬天鎮白登關頭二堡屬陽高懷仁趙麻第三柞三堡及西安堡則屬懷仁者也

天下郡國利病書長安堡在府城東南五十里神泉堡東一百二十里漫流堡東一百四十里

三堡周皆不及一里並大同後衛屯軍所

居白登堡在陽和衛南三十里永樂九年築關頭堡北七

十里宣德中築

並陽和衛屯軍所居

上畔莊堡在天城衛西南二十

里米薪關堡南二十里長勝堡北六十里

又有方城堡南七十里今屬直

隸西甯縣上吐米薪並衛屯軍所居長勝堡本衛有馬營也永樂元年所築嘉靖中楊博疏云天城衛比照大同五堡事例除已成平定保平二堡外再將舊寨長勝懷仁堡一堡募民填實每堡安夫三百名案平定即平遠懷仁堡在府城南八十里趙麻堡第三柞堡並南一百二十里又紫落高山二堡紅寺即宏賜沙河本鎮河已見前凡七堡並大同前衛屯軍所居此三堡今並屬懷仁縣大同縣志宏賜堡北六十里一名紅寺堡方輿紀要得勝周西里有奇分邊十九里零內不燕莊溝黑石頭溝水泉溝俱最衝邊外牛川山即屬部駐牧明嘉靖三十年仇鸞破開馬市市成寇又入邊已鎮魯堡西北五十復請市宏賜堡拒之寇遂復侵掠里地名護保村北有張布袋紅土等溝紀要地勢卑窪外敵鎮河堡西北四十里沙河南地名好女村三堡與鎮邊鎮川所謂大同五堡也鎮羌堡北八十三里嘉靖嘉靖十八年築萬厯中增修二十四年築在垣外重垣之內紀要分邊二十二里北衝邊外柳河山海子等處駐牧邊防考堡常邊塞首衝嘉靖二十年敵由此處犯隆慶五年設馬市於此郡

國利病書自宏賜諸堡既立鎮城賴以保障巡撫唐榮
總兵周尙文復議於宏賜之北添設軍堡以相犄角城
廢水口堡改名鎮羌廢宣甯縣改名拒牆廢亂草營堡
改名拒門又於減魯堡北增築拒馬堡謂之塞外四堡
舊通志宏賜堡稍東南十餘里五堡分中處所一山
特起舊名平山絕頂爲平地膏腴千頃升巖四望五堡
俱在目中方向極爲眞的凡標號招傳合散呼斥遠近
可以畢見於其上創立一堡名爲會遠中設公館以爲
發兵之地更立西安堡在懷仁縣東南三十里順治六
年大同府寄治於此

天鎮縣志鎮口堡在縣西北三十里明嘉靖二十五年
築隆慶六年增修周一里有奇分邊十三里零內榆林
水磨等口極衝嘉靖中寇由此入犯舊設操守今裁鎮
甯堡在縣北二十里嘉靖四十四年置隆慶六年增修
周一里有奇分邊十三里內威虎口白羊口極衝舊設
操守今裁永嘉堡縣東北四十里嘉靖三十七年設萬

歷二年增修周二里有奇設在邊內與宣府李信屯相
犄角舊設操守今裁樺門堡縣東北四十里萬歷九年
設十九年增修周不及一里分邊九里零堡在平坪寇
犯瓦竊溝必經之路也舊設操守今裁平遠堡在新平
東南四里嘉靖二十五年築隆慶六年增修周二里有
奇分邊十二里內大紅花林極衝邊外紅花林同回基
頭二道河白海子俱駐牧舊設操守今裁保平堡新平
西南三里築修同前周一里有奇分邊七里內平虎城極衝
堡建在山後嘉靖三十七年寇由此入犯亦要地也舊
駐守備今裁

鄉堡附見舊志者府屬之縣自桑乾河以北凡八十六處

舊志大同縣十堡

沙河堡西北六十里

長安堡東一百二十

[illegible]

二十五堡有師子屯小石莊大石莊南徐屯羅文魁諸	堡高山街二十堡有橋頭堡李官人屯蘆花港王官人	屯東柳天鎮縣二十六堡東二十里上營堡下營堡	林諸堡于西堡南四十里東二十里上營堡東二十	三里營南七十里龍池堡南八十里馬營堡南一百	里城南七十里南七十里西四十里後谷	堡南六十里西二十里樂玉堡西四十里東雙寨西四十里	西三十五里王進堡西十里西四十里東十五里石廠寨	馬房北二十里沙屯堡北二十五里西馬房北二	十里大營盤北七十五里李家寨北三十里石嘴墩北	王家墩北三十五里兩鎮三關志天城衛三十九堡鎮虜衛二	十六堡	不備著
-----------------------	-----------------------	----------------------	----------------------	----------------------	------------------	-------------------------	------------------------	---------------------	-----------------------	--------------------------	-----	-----

津梁金湯橋普渡橋鐵索橋龍門橋神泉橋在大同縣雙城
橋深溝橋在天鎮縣

大同縣志金湯橋在西關卽襄城門外橋也普渡橋在
草廠城外西南明萬厯間建普渡橋跨桑乾河在補村

北潭頭南明嘉靖二十年署中路府李濬修鐵索八條

每條重七百斤長十八丈河北鑿石崖蟠繫河南架以

大木歷以巨石歷經補修至今占利涉焉龍門橋在普

濟橋東十里許兩岸岩崖險逼河水收束居人解銘等

鑿石馬梁下穿三洞巡撫侯鉞題曰小龍門今存一洞

神泉橋在城東百里紫補村潭頭小龍門並又在城東九十里許又興雲橋在

城東關外跨玉河上即名玉河橋不詳所始元泰定初

重建題曰興雲橋明屢修今圯金天會中留守高慶

年居民高居安葺之宇文虛中記夫定中留守完顏再

修邊元忠記元至大三年修十二年復圯泰定元年河

東建帥國經重建立石柱二十四植欄檻表門闕題曰

興雲之橋學士虞集記明成化十三年巡撫李敏增修

萬歷八年總兵郭琥拓故基而更創之下環十九洞上

容方帳高三丈東西長百餘丈翼以石欄仍曰興雲橋

三十四年再修巡撫翟鵬記國朝康熙乾樂安橋古

隆間亦時完葺至嘉慶六年十年大水傾圯

定橋東新橋西新橋並跨桑乾河今廢

天鎮縣志雙城橋在縣東十五里二橋相連東橋長四丈高二丈八尺廣一丈八尺西橋長五丈高廣同東橋康熙元年建四十六年重修深溝橋在下營堡明崇禎十六年建又通惠利涉二橋與濠墩橋並在西城外雍正中知縣胡元朗建有記

砌石架木爲之

十里橋彩虹橋功成橋登雲梯並洋河浮梁也

附錄翁萬達議大同邊牆先議自開山口遵山南而東五十里至於水磨口又東八十一里至於宣府李信屯之北地名紅土臺共一百三十一里有奇坦然皆平地也今議自開山口至水磨口仍照舊擬自水磨改從東北踰山崖六十里至於馬頭兒又趨平地渡溝而北十

里又東十八里至於宣府西陽河界之鎮口臺共一百三十八里有奇則宣府西路旣得藉一面之防省十里之力而李信屯以北常戍之地亦可掣免又云大同東路山北東陽河橫直邊牆二十八里接連宣府西路之西陽河係一膜之地舊有西路防秋列營馬軍其去大同東路山南之天城陽和則隔高山六七十里或百二三十里險仄難行舊無東路防秋列營馬軍儻有犯東陽河而必待大同之兵歷天城陽和踰山北以爲援其勢必遲三日若宣府西路之兵則呼吸可至應援甚便卽勢或重大亦賴以支持一時而遠者可及繼也又云陽和天城山口深曲岡崖擁隔列戍之兵限於一隅寇騎登高最稱便利一處失防則諸口之兵盡爲守穴鼠

矣 兩鎮三關志宣大地方本相聯屬以京師較之則京師以宣大爲障而宣府又以大同爲障高帝凱靖邊塵以大同川原平衍敵易長驅兼與保定山西相爲臂衛特建重鎮以爲倒馬紫荆雁門甯武之扞蔽設諸衛所錯落其間各屯重兵以鎮壓之而鎮巡其地者又嘗於九十里之外築小城曰小邊於百里之外築大城曰大邊其於邊防亦旣固然歲久傾圯繼事者雖常繕修寔爲風雨之摧剝小邊之外悉爲敵牧矣顧鎮城東西猶有聚落高山爲兩腋而北無藩蔽獨當敵衝爲備甚難於時巡撫張文錦城紅寺驢圈密山水頭沙河五堡說者謂得扼險之要惜其發戍失宜以及於難繼事者遂以爲戒嘉靖十八年總督毛伯溫極言建堡之便詔

下巡撫史道乃躬履其事以鎮虎地險移置稍西名鎮
邊堡水頭地僻移置稍東名鎮川堡沙河地沮洳移置
河南名鎮河堡紅寺仍舊改名宏賜又於宏賜西置鎮
魯堡倚地量軍三面開耕一面禦敵二十五年總兵周
尙文復增築靖魯五堡以翼宏賜築滅虎九堡布列於
西以障威平各召募邊人爲軍墾地資養又於塞外築
拒牆五堡以厚屏其肩背亦各募軍戍守後總督俞萬
達與巡撫詹榮議自丁角山至宣府李信屯通築長城
城有臺以利旁擊臺置屋以處戍兵而城下則留暗門
以便出哨蓋保障復古而規制爲密焉然議者猶謂拒
牆五堡在長城之外屯戍孤而邊人懼非計之得也乃
又城外築塞如偃月形東西皆附於舊塞自是塞垣內

外恆如對壘敵不敢窺而邊民稍稍靖矣然嘗謂宜府之備紫荆倒馬必於蔚州敵之入犯蔚州必於陽和蓋陽和關山口以東原未設險拒守不便其鶻鵠峪鐵裏門水峪瓦窰等口俱係敵衝此之不慎中原騷動矣必嚴諸口之戍則敵不至陽和矣誠謹白登之地則敵不至順聖東西川矣設蔚州之伏則敵不至廣昌廣盛而紫荆倒馬高枕矣若右衛之北有兔毛河直通塞外又最爲要害太學生陳善議於岸築高墉隨水曲折乘墉下擊可保必守斯亦備邊者之所當預圖哉

右大同邊

山西通志卷四十五